

UTL AT DOWNSVIEW



D RANGE BAY SHLF POS ITEM C
39 10 08 01 04 005 9

Op 15-11-86

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DK
888
S83

Su'āvī, Alī
Hīve

Suavi, Ali, 1839-1878

Hive

خسوه

فی محرم ۱۲۹۰

DK

888

S83

1083465

برنجی قسم

روسیه نك آسیای وسطی ده

ترقیسی

ایکنجی قسم


خسوه خانلنی

علی سماوی

استانبول

ارتین آصادوریان مطبعه سی

۱۳۲۶



مصور ثروت فنونك ۱۳ تشرین ثانی ۱۳۲۴

تاریخی نسخه‌سند فوطوغرافیهی نشر اولنان
ژورنال صورتیدر:

نومرو ۲ چهارشنبه، ۱۱ تموز ۱۳۱۷

ترجمان حقیقت و صباح غزته‌لرنده شایان نظر
برشی کوریه‌مامشدر اقدام غزته‌سنک برنجی
صحیفه‌سند و قوعات سابقه‌دن بحث اولندیغی
صره‌ده بخارا و خیوه‌نک روسلره تسلیم اولمش
و افغانلیلرک مغلوبیتیه پنجابک و خوقندک روسیه‌یه
الحاق ایدلمش اولدیغنک ذکر ایدلمسی مناسب
کوریه‌مدی خصوصیتله سعاوینک «خیوه» اثری
و روسلرک فکر استیلاکاریلری وارد خاطر
اوله‌جغندن عالم اسلامجه بشقه بر تأثیر حصوله

کله بیلیر برده جغرافیا کتابلریله خریطه لر بخارا
وخیوه بی روس طوپراغندن کوسترمز لر امر
و فرمان حضرت ولی الامر کدر

بنده

وامق شکری

افاده

ثروت فنونه نشر اولان شو ژورنالده
موضوع بحث ایدی لان خیوه اثری البته ارباب
ابتصارک مراقفی تحریک ایشدر. سعاوی مرحوم
طرفندن محرم سنه ۱۲۹۰ تاریخنده یارسده نشر
ایدلمش اولان بو اثری ایشته عیناً نشر ایدیورز.
مرحومک خاتمه کتابده کی وصیتی وجه ایله
آرک تاریخ نشرندن صکره خیوه نک دوچار
اولدینی احوالده لاحقه نامیله مختصراً افاده
ایدلمشدر.

خیوه لیلر، قومیت و ملیت و دین نقطه نظرندن
 احوال لرینه پیدای اطلاع ایتک مجبوریتنده
 بولندیغمز ترک قرداشلر مزک اک مهملرندن
 اولدینی حالده دور سابقده بو یولده کی معلوماتدن
 محرومیتمز التزام اولنقده ایدی. حمدالله بوکون
 هر شیئی سربست سویلییه بیلوروز، هر شیئی
 سربست یازیه بیلوروز. شو ازمهم خیویه متعلق
 معلومات اجمالیه ایله برابر ترکله، ترکله متعلق بعض
 حقایق محتوی بولندیغی جهتله مطالعه سندن
 استفاده شتابان اولماریغی عموم اخوان وطنه
 صورت مخصوصده توصیه ایدرم.



مقدمه

اشیو ۱۲۹۰ سنه سی روسیه دولتی خیوه
اوزرینه عسکر کوندردی خیوه اوزرینه کیده جک
عسکری چرکستان و عورنبورغ و ترکستان اردو-
لرندن حاضرلایلر بواوچ فرقه روس عسکری
فی ۱۵ محرم یرلرندن حرکت ایدوب ربیع الاول
اوائلنده خیوه حدودنده برلش جکلر .

روسیه نك خیوه مجادله سی بریحق عصر دنیرو
سورتمکده در .

دلی پترو دیدی که « برکره خیوینی آنجه
اوتنه یانی بزم اولور » پترو نك افکاری بحر خزرده
کیلر انشاء ایدوب خیوینی وجیحونی آله رق
روسیه یه هندیولنی آجق ایدی .

بو افکاره مبنی درکه فی ۱۱۲۹ و ۱۱۳۰ ایکی

تره پرنس بکوچ قومانده سنده خيوه اوزرينه
عسکر کوندردي .

خيوه ليلر بکوچي يوزوب دريسني طبله
کردکلرني روسلر پک تقبيح ايدوب اوزبکلرک
پک وحشی باربار اولدقلرينه بونکله استدلال ايدرلر
لکن بو استدلال تام دکل در زيرا پرنس بکوچ
ترکن « دولتکرای » دینلان حریف درکه
مسقو عسکرینه قوماندان اولوب هم وطنی
ودین قرداشلرینی روسیه ایچون اورمغه کلدی
اولوقت خيوه اوزبکلری دشمن عسکری باشنده
ذاتاً کندولرندن اولان بومرتدی کورنجه غیرته
کلوب البته عادی جزایه قناعت ایدهمیه جکلری
درکار معلوم در خيوه لیلر شو پرنس بکوچ دینلان
دولتکرای مرتدی ایکنجی کیدیشننده طو تدقلری
کی معیتنده بولنان بتون مسقو عسکرینی قلیچدن

کچیردیلر بکویچک احتیاط واستحکام عسکری که
بحر خزر کنارنده منغشلاق والکساندر بک و قرا
سنوودسوقده ایدیلر بکویچ عسکرینه قتل عامی
ایشدکلی کی کیلره بنوب آسترافانه رجعت
ایلدیلر واورالرده باشلامش اولدقلری قلاع
واستحکاماتی یارم براقیدیلر .

بومصائبدن صکره روسیه بر وقت فقط
کندی قوتیله خیویه هجوم افکارینی براقوب
بحر خزر جهت شرقیه سنده ساکن ترکمانلری
اله الملق حیللرینی قوللاندی .

فی ۱۲۲۸ کر جستان قوماندانی ریچف دربندلی
موراطوف نام ارمنی تاجری ترکمان رؤسائی جلب
ایتمک اوزره ارسال ایتدی مرقوم موراطوف
استراباد ایله تجارت ایلدیکندن اواطرافک بعض
ترکمان رئیسزیه معارفه کنب ایلمشیدی موراطوف

اولوقت بر بلوک ترکان رئیس سلطان خانه چاتوب
جنرال ریچف طرفدن هدیه لر اعطاسیله اتفاق
لسانلری قوللانه رق جلب ایلدی سلطان خان خیره
علیهنه بر غرضی اولمایوب آنجق ترکانلر اوزرینه
خانلغنی تأسیس برله اوتاقلرینه دائماراحت ویرمیان
عجمه غلبه چاللق قصدنده ایدی بومقصدده مبنی
روسیه دن استعانه سوداسنه دوشدی نهایت ترکان
معتبرانندن ارباب دانش سیچوب موراطوف ایله
برابر جنراله کوندردی فقط بومبعوثلر جنرالک
مقبری اولان قاره باغ کلستانسه او یله بروقت ده
واصل اولدیلر که عجم دولتندن عقد روابطه کلان
مرخص عبدالحسین خان ایله مقاوله بتمشیدی مرخص
مرقوم بوترکان مبعوثلرک روسیه حمایه سیله عجمه
مضر اوله جقلرینی آکلادینی کبی جنراله دیدی که
«بزم دولتمزک بوترکانلرله روابطی یوق در» جنرال

دخی حسب الوقت « بزم دولتمزك دخی روابطی
یوق در » دیوب مبعوثلری بعض هدیهلر وبره رك
صاومغه مجبور اولدی بوتصادفی پولیتیمه تركمانلرك
نظرنده آلتامق یرینه كچدیكندن بك كو چندیلر
ناچار عجمه تابع اولدیلر اچلرنده بوتبعیتی قبول
ایده میانلر خیویه كیدوب محمد رحیم خانه تابع قالدیلر
سلطان خان دخی اولوقت تركمانلریله خیوه طیراغنه
كچدی .

فی ۱۲۳۵ قوماندان یرمولوف تکرار تركمانلرله
عقد روابطه تشبث ایلدی الیزابت پول محافظی
بیکباشی پونومارفی بو عقده مأمور ایتدی و كچنده
لهستان ظالمی جنرال مور اوینی (كه اولوقت ارکان
حربییه یوزباشیلرندن ایدی) خیوه خانسه مودتنامه
ایله بعث ایتدی بوارسالدن اصل مقصد اورالرك
خریطه سنی آلتق ویوللرینی كشف ایلمك ایدی .

فی ۱۲۵۵ انگلیز «لورد عوقلانند» کابلی
 پامال ایتدیکی وقت روسیه چاری (نیقولا) دخی
 خیوه بی استیلاء ایتک استدی و جنرال پروفسکی بی
 عسکرله کوندردی (در آخر شوال منه) لیکن اوزمان
 خیوه حکمداری بهادر اسکله بتون ترکمانلری کندویه
 رام ایتش و آسیابه شبجاعت صیقی صالحش «رحمان
 قولی خان» ایدی روسیه عسکرینی تارمار ایتدی.
 فی ربیع الاخر ۱۲۵۶ روسیه عقد مصالحه به
 مجبور اولدی بوانه زامدن صکره روسیه دولتی
 خیوه اوزرینه حیلده ده و تجربه ده مهارت کسب
 ایلدیکندن بحیره خوارزم دیدیکمز آرال کولنه
 دوئم یا پامغه باشلادی خیوه خانلری که سیحون
 منبعه قدر حکم ایدیورلردی روسیه آنلرک اورالردن
 وقاره قلیاق اوزرندن اللرینی کمدی .
 روسیه ۱۲۶۹ دنبرو آرال کولنده اوچ یلکنلی

وایکی تیمور قابلی واپور یاپدی بو واپور لری اسوچ ده
 یاپدیروب پترسبورغه واورادن سامارایه و آندن
 آرالسکییه پارچه پارچه نقل ایتدی
 و آرالده طاقدی طاقشیدردی روسیه بو واپور لری
 ایشلتک ایچون دون نهریله نقل ایلدیکی کورک
 هر بر طونیلاته سی ۳۰۰ فرانقه کلوردی لیکن
 ترکستانی ضبط و تشکیل ایدلیدنبروچکنده یکر می
 ایکی ساعتک یرده کور معدنی بولدی بومعدنی
 واپور ما کنه لریله اخراج ایدیور .

آرال دونماسیله سیحون ضبطنه یاردم ایتدیکی
 کبی شمدی ده جیحون یعنی خیوه فتحنه یاردم
 ایدنه جکیز .

فی ربیع الاول ۱۲۷۰ (۱۱ کانون اول ۱۸۵۳)

ورسیه عسکری برنجی کره اوله رق خیوه نی فتح
 ایلدی وفی ۱۲۷۱ امضالتدینی معاهده عثمانلی نک

قینارجہ وعجمک بحر خزر معاہدہ لرینہ نظیردر .
اولوقت خیوہ خانی اکر عثمانلی نک روسیہ
ایله قریم محاربہ سی اولہ جغنی بیلمش اولایدی بویله
مضر معاہدہ بی امضالارمی ایدی .

ا کر اوزمانلر باب عالی ده سیاست نظری
اولایدی روسیہ نک قریم ده محاربہ ایله مشغول
اولہ جغنه دائر خیوہ یه بر اشارتجک ایتزمی دی .
فی ۱۲۸۶ روسیہ قراسنوودسکی قلعه سنی
بحر خزر شرقیہ سننده تأسیس ایتدی .

فی ۱۲۸۷ بحر خزر شرقیہ سننده یکی قلعه لر
بناء ایلدی هراته یول آچدی .

فی ۱۲۸۸ حیقه شلاری ضبطله مرکز حرکت
یابدی فی ۱۲۸۹ میرالای مارغوصوف عسکری
خیوہ اوزرینہ بوحیقه شلار مرکزندن حرکت
ایلدی .

بحر خزر دوتماسنی اکیال ایلدی بوجرک
جنوب شرقیسنده اترک نهری اوزرنده دهستانی
(عاشور) ضبطنه آلدی و اترک و جرجان و ادیلرینی
یعنی دهستان و آبسکون آره سی بوکره عجمدن
آلدی بوحوادثی حالیا استانبولده عجم ایلچیلی
محسن خان لوندرده ایکن تکذیب ایتک استدیسه ده
انکلیز مسئله یی میدانه چیقاردی اوت صحیح در
روسیه بووادی نی آلدی حتی قلعه لر دخی بناء
ایتدی و بوگونلرده استر آباد قوینی مرکز انخاز
ایتدی دیمک که بحر خزرک سواحل شرقیه سی
تاجنوبده استر آباد قدر روسیه نك اولدی .
خیوه که « خوارزم » قطعه سی در فقهادن
معراج الدرایه صاحبی قوام الدین و حکیم و منطقی
حسام الدین کاتی و ائمه لغتدن ناصر الدین مطرزی
و خواجه ابوالوفاء و پهلوان محمود بوریا و مولانا کمال

الدین حسین و علامه صاحب الکشاف ز مخشری کبی
 دیگر قطعه لرده امثالی ظهور ایتیمان اکابرک وطنی در
 خصوصاً حکیم و علامه نجم الدین کبری نک مقامی
 در اوزبک خانلری که بر وقت روسیه قراللرینی
 (میشل ثانی . یوریا . دیمتری و غیرهم) استدکلری
 کبی عزل و نصب ایدرلردی

خیوده که بر وقت آنک حکم ایتدیکی مملکت
 بر طرفدن هندستانه و بر طرفدن اندجان
 و ترکستانه و بر جهتدن عربستانه و بر جانبدن
 رومه قدر ممتدا اولوردی

اوزبک خانلری که سلاطین ماضیه انلرله
 تدافعی و تجاوزی عقد اتفاق سیاستده امور
 واجبه دن صایدیلر حتی سلطان سلیمان آنلرله اتفاق
 ایدوب اوچ یوز یک یچری و طوپلر و طوپجیلر
 اعانه کوندردی و مراد ثالث هند طریقله سفیر

ارسال ایدوب مبتدعین علیهنه استعانه ایتدی
 خیوه که (یوقارده اجمال ایتدیکمز تاریخن
 اکلاشیله جنی وجهله) برحق عصر دبر و روسیه
 ایله نیجه واقعاتی کچمشدر خیوه که بو کونکی کونده
 آسیای وسطی ده اندن بشقه اسلام سنی خالق
 قالمامشدر آرتق بویله برقطعه نک احوال حاضرده سی
 استانبولده و بالجه ممالک اسلامیه ده مجهول قالمق
 لایق اولماز . تحریر ایده یم بو تحریری ایکی پارچه
 یاپدم برنجی قسم روسیه نک آسیای وسطی ده
 [ترقیسی قسم ثانی خیوه]

قسم اول

روسیه نك آسیای وسطی ده

ترقیسی

اخطار

روسیه دولتی «خیوه» بی استیلایه بر بحق
عصر دن برو تشبث ایلدی..

روسیه بر کره طوتمش اولدیغی مسلمانلاری بردها
یراقایوب سنه لر عصر لر کچر چارلری و مأمورلری
دکیشور لر هر دایم او مسلمانلاری طوب کیدر لر.

بزم دولت ایسه بونک عکسنه در بر صدر
اعظم کلور شویله یاپار صکره بشقه سی کلور سلفنت
یابدیغنی بوزار آنک یرینه کلان دخی آنی تبدیل

ایدر وهلم جرا برمسلك ده دائم اولمايوب هركلان
 بردرلو حلواير دوام وثبات يوقدر .
 روسيه «من ثبت نبت» فحواسنجه ثابت
 اولوب ثابت اوله نور .

شمدی روسیه نك خيوه عسكر سوقندن
 بحث ایدن اکثر غزته لر نه آسیای وسطی نی نه ده
 اوچ درت سنه دنبرو روسیه نك و انكليزك آسیاده
 ایتدکری استیلاء ترقیسنی بیلمدکلرندن یا کلش شیلر
 یازیورلر کیمی روسیه سیحون نه ریی ضبط
 ایده جك یازار سیحونی روسیه نك چوقدن
 ضبط ایتمش اولدیغندن خبری یوق کیمی بوخيوه
 مسئله سنی هدستانه طوقونورکی شرح ایدر نرده
 خيوه نرده هند روسیه و انكليز برقاچ سنه دنبرو آسیای

وسطی مسلمانلرینی بینلرنده تقسیم ایتدیلر انکلیز دها
یقین و قتلرده عود نپول و کشمیر و پنجاب پدشاور
قطه لرینی استیلاء ایلدی روسیه دخی سیحون بویونی
وزرافشان وادیلرینی طاشکند و خجند و سمرقندی
استیلاء ایدوب بدخشانه طوغری ایندی شمدی
انکلیزک مرامی اوزره کوه هند شمالندن حدود
کسیدیکی کبی آسیایی انکلیزله تقسیم و اسلامی فصل
ایتمش اوله جق .

۳

روسیه و انکلیز آسیا اسلاملرینه راست کله
حکومت ایتیوب «اسلامی اداره نصل اولور .»
بونی تدرس ایتشلر . نهایت تجربه ایله دیورلرکه
«اسلام دینه طوقنولمالی و حقوقی محاکمه
عوضسز غرضسز رؤیت ایتلی . بویکی شرطه
رعایت اولندجه مسلمانلر روس و انکلیز لریینه

دوشمکه تأسف ایتیمور . «اشته بویه دیورلر .

شمدی بز خیوه دینلان خوارزم قطعه سنی
بیان دن اول روسیه نك آسیای وسطی ده پیدا
ایتدیکی بوکونکی موقعی اجمالا تعریف ایدم تا که
مسئله ایو آکلاشلسون .

روسیه اویرده فی ۱۲۸۲ برجدید ولایت
تشکیل ایتدی آدینی «ترکستان» قودی
بویکی ولایت شمال دن سبریا و قیرغیز جنوب دن
خیوه بخارا بدخشان خوقندویکی کاشغر (جنوب دن
و کذا شرق دن) ایله هم حدود غرب دن آرال
کولی ایله محدود .

فی ۱۲۸۴ بو ترکستانی روسیه ایکی ایالته
تقسیم ایتشیدی . شمدی ایسه یعنی قوچیه فی
آتالق غازی دن آلدیغندنبرو اوج ایالت یاپندی .

وسطی مسلمانلرینی بینلر نده تقسیم ایتدیلر انکلیز دها
یقین و قتلرده عود نپول و کشمیر و پنجاب پدشاور
قطه لرینی استیلاء ایلدی روسیه دخی سیحون بویونی
وزرافشان وادیلرینی طاشکند و خجند و سمرقندی
استیلاء ایدوب بدخشانه طوغری ایندی شمدی
انکلیزک مرامی اوزره کوه هند شمالندن حدود
کسیدیکی آسیایی انکلیزله تقسیم و اسلامی فصل
ایتمش اوله جق .

۳

روسیه و انکلیز آسیا اسلاملرینه راست کله
حکومت ایتیموب «اسلامی اداره نصل اولور .»
بونی تدرس ایتمشلر . نهایت تجربه ایله دیورلرکه
«اسلام دینه طوقنولمالی و حقوقی محاکمه
عوضسز غرضسز رؤیت ایتلی . بویکی شرطه
رعایت اولندجه مسلمانلر روس و انکلیز لریینه

دوشمکه تأسف ایتیمور . «اشته بویه دیورلر»

*
* *

شمدی بز خیوه دینلان خوارزم قطعه سنی
بیان دن اول روسیه نك آسیای وسطی ده پیدا
ایتدیکی بوکونکی موقعی اجمالا تعریف ایدم تا که
مسئله ایو آکلاشلستون .

روسیه اویرده فی ۱۲۸۲ برجدید ولایت
تشکیل ایتدی آدینی «ترکستان» قودی
بویکی ولایت شمال دن سبریا و قیرغیز جنوب دن
خیوه بخارا بدخشان خوقندویکی کاشغر (جنوب دن
و کذا شرق دن) ایله هم حدود غرب دن آرال
کولی ایله محدود .

فی ۱۲۸۴ بو ترکستانی روسیه ایکی ایالت
تقسیم ایتشیدی . شمدی ایسه یعنی قوچله فی
آتالق غازی دن آلدیغندنبرو اوج ایالت یاپدی .

ترکستان

مساحت	عدد	نفوس	کیلومتر و تربیعاً
سیحون دریا ایالتی	۵۱۲,۳۳۰	۸۶۵,۴۶۱	
یدی دریا ایالتی	۳۷۵,۵۰۰	۴۸۶,۹۳۷	
قوْلجه ایالتی	۷۱,۲۲۵	۱۱۴,۳۳۷	
	۹۰۹,۰۵۵	۱,۴۶۶,۷۳۵	

شمدی ترکستان دینلان اشته بو قطعه در
اسکی اصطلاح اولان ترکستان دکل .

«خوقند» خوقند خانلغی لفظی مراد قالدی
الیوم حاکمی خدایار خانک حکم ایتدیگی یر
اسکی فرغانه نك بر کوچك پارچه سی در بوده
روسیه نك مساعده سیله . شو کوچك پارچه

دیدیکمز سیحون منبعندن خجنده آلتی ساعت
قالنجیه قدر اولان اراضی در.

فی ۱۲۸۱ روسیه خوقنده محاربه آچدی
یتمش بیک نفوسلی طاشکندی واللی بیک نفوسلی
خجندی ضبط ایلدیکی کبی عوراطوب و زامین
و دیزک شهرلرینی و آق طماغ اطرافنی آلدی .
سیحون چاینک صو ویردیکی اراضی خجنددن
مصبنه قدر (آران کولی) هپ روسیهده شمدی
خوقند غربدن و شمالدن و شرقدن روسیه ایله
محصوردر یالکمز جنوبدن آتالق غازی وار.
خوقند اهالیسندن قبیچاقلر حین محاربهده
خدا یاری خیانتله اتهم ایدوب آیاقلانیدیلر
خلع ایتدیلر یرینه منلا خانی و صکره آنی دخی
خلعه اوغلنی اجلاس ایلدیلر . خدا یار تاج
و تختی اعاده کبی بر بیهوده سلطنت اؤ قوری نام

ایچون روسیهیه مراجعت ایلدی. او حالده روسیه
قوماندانی آنی کتیروب اهالییه رغما تختنه اقعاد
ایتدی. منلا خان زاده کاشغریه التجاء ایلدی.
حالیا اوراده در.

اشته خوقند جهات ثلثه دن محصور وخدا
یار روسیه نك قوتيله تخت قازانمش بنده اولدیغندن
آرتق آندن اطراف مسلمانلرینه برامداد واعانه
ممکن دکل در.

روسیه یاپدیغی تجارت معاهده سنی فی ۱۲۸۵
خدا یاره امضالاتوب (اموال تجارت دن فقط یوزده
ایکی بچق بوندن بشقه بر رسم یوق) خوقنده
برشهندر اوطورتدی. (کاروان باشی دیورلر)
هر شهر روسیه تبعه سنه آچیق. اورالرده اپک
ویاموق ومیوه پک چوق حاصل اولور. روسیه
کلیتو استفاده ایدیور و یونلری پک اوجوز

آلیور . خوقند میوه سی روسیه ده یرالماسندن
درت کره او جوز کلیور .

«بخارا» بخارا جکومتک قوتی قالمادی .
روسیه نک خیوه حسابنه مبنی مساعده سیله
طوریور .

بخارا امیری مظفرالدین فی ۱۲۸۳ بخار به سنده
(۲۵ بیک نقرعام قالدیره بیلیمشیدی) فنا مغلوب
اولدی . روسیه عسکرینک طلیعه سی نفس بخارایه
۲۰ ساعتک یقینه قدر کلدی . مظفرالدین اختلاط
وتجارت معاهده سی ناچار امضالادی .

فی ۱۲۸۷ جنرال عامبروف ایله تکرار عسکر
کوندروب سمرقندی وزرافشان وادیلرینی
ضبط ایلدکن صکره خوقند و بخارا آره سینه
کیرمش اولدی . بدخشانه تقرب ایلدی .

خریطه ده سمر قندك جنوبنده کی اراضی بی
مطالعه ایدیکز شول اراضی که شرقا بولور دپه لری
وغربا بخارا و جنوبا کودهند ایلہ محدود . شهر
آباد و حصار و فیض آباد (بدخشان) و قوندوز
(قندس) بوقطعه ده اورالر فی ۱۲۷۶ هرات امیری
طرفندن ضبط اولندی . امراسی افغانستان دن
نصب اولنور بعض یرلری بو کونده استقال
هوسنده بولنان بکمرله اداره اولنمقده ایسه لرده
بالجمله افغان حمایه سنده لر . بخارا امیری بلخ دن
بدخشانه قدر حق حکومت ادعا سنده بولندیغندن
افغانه بغض و اورالری تحریک ایده کیدیور .
انکلزک اوچ سنه دن بروحدود کسمک تکلیف
ایتدیکی یر بلخ دن بدخشانه طوغری کوه هند
شمالی در . روسیه ایلہ قرار و یر دیلر . بورادن
جیحون بویله حدود تعیین اولمه جق . انکلزک

بوجود مسئله سی شمدی روسیه نك خيوه نی
استیلاسنه طوق نور مسئله دكل در .

انكلتره ده حوادث تلغرافیه آجته سی روتر

فی ۲۶ كانون ثانى شو خبری ویرمش ایدی .

«افغانستانه حكومت ادعاء ایدن وروسیه به التجاء

ایلیان عبدالرحمن خان حصار اوزرینه وینه وروسیه به

ملتجی سید محمد عیسی خان شهر آباده هجوم ایله

ضبط ایلتدیلر. اورالری والیرینی روسیه عسکرینه

تسلیم ایدوب مرکز حرکت اتخاذا ایلدیلر»

فقط روسیه طریقیه کلان خبرلردن عبدالرحمن

خانك فی ۲۷ منه سمرقنده بولندیغی آكلاشمغله

خیر مذکورك صحیح اولمادیغی تین ایتدی .

بوراده خاطره شومسئله لر كلور. ۱ انكلیز

كوه هندشمالندن یعنی بلخ دن فیض آباده طوغری

حدود كسنجه دیمك اولوركه روسیه لی نك سمر

قنددن اشاغی اوحدوده قدر یوز او توز یوز قرق
 ساعتک قطعہ بی استیلاء ایتسنہ بر مانع یوقدر .
 بر کرہ روسیہ بو وجهلہ انکلیزہ ہم حدود
 اولدی می آرتق اورادن شرق و غرب مسلما
 نلرینک اتصالی کیلور . بر خریطہ آلب باقیکر
 مغربده اوقیانوس کنارندن یعنی فاس دن شرقہ
 طوغری بر خط اوزرنده چینہ قدر بتون اسلام
 ایدی عجم دولتی برقاج عصر دنبرو برایکی ملیون
 نفوس ایله شیعه لق بدعتی مذهب ایدینوب
 و آبروجہ بر دین کی سنت و جماعت دن آریلوب
 ایران دینلان قطعہ ایله بر خط فاصل چکمش .
 و برایکی یوز ملیون اسلامی بر برندن آرمق کی
 تاریخلرک لغتله یاد ایدہ جکلری مسالک تفریقده
 بولنیش ایدی . شمدی ده بوحدود ایله روسیہ
 وانکلیز ایکنجی خط فصل چکه جک .

ایکنجی مسئلہ کہ برنجی ایلہ برلشہ بیلور
 شودر کہ روسیہ دولتی انکلیزلہ اولان مخابرات
 رسمیه سنده کوہ ہند ایلہ سمرقند آرمہ سنده کی
 طخارستان و بدخشانی مستقل طانیور . قالدی کہ
 یورلری افغانستان ضبط ایلہ مشیدی . عجیبا انکلیز
 کندی حمایہ سنده بولنان افغانی تصاحب اید و بدہ
 اورالری افغانک طانیہ رق حمایہ ایدہ جک می و حمایہ
 ایتدی کی تقدیر دہ روسیہ یہ نہ درجہ لہ قدر مخالفت
 ایدہ بیلہ جک

۳ شوقطعہ بین الحدین بی طرف براقلسہ
 اہالیسی ایلرودہ روسلرایلہ بر نزاع چیقارد قلمرنده
 بوندن انکلیز مسؤل اولمازمی

آرتق یکی تشکل ایدن «آتالق غازی» دولتیہ
 «خیوہ» بی تعریف ایدہ لم

بحر خزرک مشرق طرفندہ روسیہ جنوبیلہ

همحدود ترکان خيوه بخارا افغانستان خوقند
ويتي شهر (یدی شهر) دولتری وار . يتي شهر
دولتی چین غربی ولایتلرنده یکی تشکیل ایدن
اسلام دولتی در . کاشغر دولتی یارکند دولتی
چیان چان (کوه آسمانی) دولتی وحاکنک اسمنه
نسبتله یعقوب بك دولتی یاخود عنواننه اسنادایله
آتالق غازی دولتی اسملریله دخی یاد ایدیورلر.

کاشغر دولتی

آتالق غازی دولتی . بی دولتک الیوم حکم
ایتدیکی قطعه شمالا کوه آسمانی و آلتون طاغلری
شرقاچین جنوبا کوه لون غربا بولور دپلری ایله
محدود .

دیمک که شمالنده قال آچ وروسیه و خوقند

جنوبنده تبت وانكلیز شرقده چین ومغول
وغربنده بدخشان وافغان .

بوقطعه دهاییقینده (۱۲۸۲) چین دولتنك
ایکی ولایتی اولوب چیان چان نانو و چیان چان پلو
اسملریله یاد اولنوردی . اهالیسی اسلام اکثریت
اوزره ترك و عموم لسانی تركجه بوراسی دنیاده
هریردن زیاده انقلاباته اوغرامش در . اون درت
اون بش عصرلق تاریخی مطالعه اولنسه هر عصرده
بریکی دولت پیدا ایده کلدیکی آکلاشیلور .

قطعه مذکورده دن المشهور شهرلر یارکند
ختن (خوتان) اورمچی آق صو کاشغر یدی شهر
(یدی شهر) شمدی بویره حکم ایدن «يعقوب بك» در
یازق که بو دولته موقعجه اك لازم و تركستان
چینی نك کلیدی مقامنده بك مهم اولان ایلی وقولجه
شهرلرینی يعقوب بك ضبط ایده مدی . بو کاسبب

ایسہ روسیہ نك فرصت فوت ایتیمہ رك طاورانوب
بو شهرلری استیلاء ایلیمسی در .

یعقوب بك نصل توره دی . اجمالاً نقل ایدم
فی ۱۱۷۲ چین فغفوری خان لونغ تبت شمالنه
کلیتلو عسکر کوندروب مغولی (آلت قالموق
دونکان) واصلی ترك و فرس اقوامی تحت
تبعیتہ آلدی . اولوقت اورالردن اسلامیتی
محو ایتك املیلہ علمانی و امرایی طرد ایلدی .
ترك علماسی و امراسی بدخشان و خوقنده التجاء
ایتدیلر و اورالری مرکز قوت و مبداء حرکت
اتخاذیلہ اسکی وطنلرینی اعاده ایچون فرصت بولدجه
چینلورہ هجوم ایدہ کلدیلر فی ۱۲۸۱ ایلی طرفنك
دونکانلری قیام ایلدیلر طارانجیلردخی آنلرہ النحاق
ایتدیلر بو کره بشقه و قتلرده اولدینی کی یا تشمایوب
چینلورلہ محاربده دوام ایلدیلر عاقبت قولجه

وقورغوس شهرلرندن چین مأمورلرینی طردایدوب
 بالاستقلال مالک اولدیلر شمال ولایتنده (چیان چان
 یلو) بومحاربه اولورکن جنوب ولایتنده (چیان
 چان نانو) دخی قان آققده ایدی شویله که آق صو
 قوچ ختن یارکمند طرفلرینک دونکانلری ۱۲۸۰
 ابتداسندبرو چینلورده غلبه ایتکده ایدیلر چیان
 چان قیرغیزلری بوقاریشقلق آره سنده طاغلردن
 اینوب کاشغری ۱۶ ماه محاصره دن صکره ضبط
 ایتدیلر یالکز قلعه سی چینلورده قالدی عاقبت
 بومجاهد لک غلبه سی ا کال ایچون جمع کله ایده جک
 برامبه لزوم کورندی اشته اولوقت بخارادن خواجه
 بزرک ظهور ایلدوب طهارت عرقی واستقامت محقه سی
 وشجاعت فوق العاده سی مسلم اولان «یعقوب بک»
 ایله برابر کاشغره یوریدی برکده دوشونلسه چینلورده
 غلبه کوسترن اقوامدن باشلوجه لری دونکان

طار انجی و قیرغیز کی بیوک طائفه لردن هر بری
 حق استقلال دعوا سنده ایکن بونلری کله واحده یه
 جمعه اداره واحده آلتنه آلمق نه قدر مشکل کورینور
 لکن یعقوب بکن شجاعتی و سیخاوتی و تقوای
 و لطنت قبول ایتمیان ساده لکی بومشکلی حل ایلدی
 هپ طائفه یی رام ایدوب اتحاد و اطاعتی تأسیس
 ایتدی و کاشغر قلعه سنی و یار کندی بالسههوله
 فتح ایتمیله دخی بوامامته استحقاقنی کوستردی
 بر کره اتحاد حاصل اولدی یا آرتق خواجه بزرگ
 یعقوب بکه « سن بوامارتک اهلی سکاشته امارتک
 تأسیس اولندی ارتق وطنی اجانبدن تخلیه
 وظیفه سنی اونوتمه الله تعالی موفق بیورسون »
 دیوب مکه مکرمه بهجرت ایلدی اوزالجه بخارا
 حاکمی « امام المسلمین » عد اولندیغندن حاکم
 مظفر الدین در حال یعقوب بکه هدایا رسالیله

« اتالق غازی » عنوانی ویردی اوقتد نبر و مشار الیه
آتالق غازی تسمیه اولتمقده در .

روسیه محاربه لر آره سنده فرصت فوت ایتیه رک
ایلی وادیسنه و قو لجه شهرینه کلیتو عسکرله هجوم
ایلدی آتالق غازی روسیه ایله طو تشسه ضعف
بکلیان چینلورله دخی اوغراشهرق قوتنی تقسیم
ایتمک لازم کله جکنی بیلدیکندن ناچار سس چیقار-
مادی ایلی و قو لجه کبی منبت و معدنی و ترکستان
کلیدی اولان شویرلری نه چینلودن نه اسلامدن
برمقاومت کورمیه رک قولایجه ضبط ایتدنی آتالق
غازی کوه اسمانی دینلان و وولقانی و بوزلی طاغلرک
روسیه ایله حدود اولماسنه راضی اولمش اولدی .
آتالق غازی داخلا دولت اسلامیه بی تأسیس
ایلدکن صکره خارج ایله عقد روابطی مطالعه
ایلدی اطرفه نظر ایدوب دکرلرک حکمداری

طارانجی و قیرغیز کی بیوک طائفه لردن هر بری
 حق استقلال دعوا سنده ایکن بونلری کله واحده یه
 جمعه اداره واحده آلتنه آلق نه قدر مشکل کورینور
 لکن یعقوب بکک شجاعی و سخاوتی و تقوای
 و سلطنت قبول ایتیمان ساده لکی بومشکلی حل ایلدی
 هپ طائفه یی رام ایدوب اتحاد و اطاعتی تأسیس
 ایتدی و کاشغر قلعه سنی و یار کندی بالسه هوله
 فتح ایتسیله دخی بوامامته استحقاقنی کوستردی
 بر کره اتحاد حاصل اولدی یا آرتق خواجه بزرک
 یعقوب بکه « سن بوامارتک اهلی سکاشته امارتک
 تأسیس اولندی ارتق وطنی اجانبدن تخلیه
 وظیفه سنی اونوتمه الله تعالی موفق بیورسون »
 دیوب مکه مکرمه یه هجرت ایلدی اودالرجه بخارا
 حاکمی « امام المسلمین » عد اولندیغندن حاکم
 مظفر الدین در حال یعقوب بکه هدایا رسالیله

« اتالق غازی » عنوانی ویردی او قندبر و مشارایه
آتالق غازی تسمیه اولنمقده در .

روسیه محاربه لر آره سنده فرصت فوت ایتیه رک
ایلی وادیسنه و قو لجه شهرینه کلیتو عسکرله هجوم
ایلدی آتالق غازی روسیه ایله طو تشسه ضعف
بکلیان چینلورله دخی اوغراشه رق قوتنی تقسیم
ایتمک لازم کله جکنی بیلدیکندن ناچار سس چیقار-
مادی ایلی و قو لجه کبی منبت و معدنی و ترکستان
کلیدی اولان شورلری نه چینلودن نه اسلامدن
برمقاومت کورمیه رک قولایجه ضبط ایتدنی آتالق
غازی کوه اسمانی دینلان وولقانلی و بوزلی طاغلرک
روسیه ایله حدود اولماسنه راضی اولمش اولدی .
آتالق غازی داخلا دولت اسلامیه بی تأسیس
ایلدکن صکره خارج ایله عقد روابطی مطالعه
ایلدی اطرقه نظر ایدوب دکرلرک حکمداری

مقامنده اولان وهنده قرق ملیون قدر مسلمانہ
 حکم ایدن انکلیز دولتی دیگرلره بالترجیح آنکه
 تجارت واختلاط معاہدہ سی یا بقی استدی انکلیزہ
 اوج کرہ سفیر کوندروب معاہدہ تجارت طلب
 ایلدی انکلیز ایسہ بطاآت درجہ سہنه وارمش
 « وقار » پولیتیکہ سیلہ بودوات جدیدی تصدیقہ
 مسارعت ایتدی .

او تصدیق ایتیمہ طورسون شمال طرفندن
 پولیتیکہده فرصت فوت ایتیمیان روسیہ دولتی
 قولجہ یہ کیردیکی کبی آناق غازی نک دولات جدیدہ سی
 تصدیق بابتندہ ترکستان والیسی جنرال قوفان
 طرفندن بارون قولتاری قیمتلی هدایا ایله کاشغره
 کوندردی (فی ۲۱ حزیران ۱۲۸۸) و تجارت
 واختلاطہ دائر معاہدہ طلب ایلدی آناق غازی
 بوسفرانی سلطنتسزورسمسز سادہ لککہ ومسلمان

تعبیر نجه تکرری مسافری کی قبول ایدوب حقارنده
 مسافر ایچون لازم کلان حرمت ورعایتی ایلدی
 وروسیه نك مقدا چین دولتیله یایش اولدینی تجارت
 معاهده سی صورتنده بر مقاوله نامه امضالادی بو
 مقاوله کاشغرده روسیه قونسولوسنك اقامتنه وروسیه
 تجارینك حریتله کلوب کتمسنه مساعدنه دن عبارت
 بوایش بتدکدن صکره انکلیر تجار تچه حسده
 دوشدی وروسیه لولر ترکستانك هر طرفدن خصوصا
 طاشکنددن اتالی غازی نك ۱۵۰۰۰۰ نفوسلی
 اورومچی و ۱۲۰۰۰۰ نفوسلی یارکند و دیگر یوزر
 والیشر بیکلی شهرلریله تجارت ایدوب کلیتو
 آلتون وایپك و صوف آلمق ده لر یارکنده ده
 یقین اولان هندك بوتجارت دن تباعدی انکلیر
 چوق ندامت ویردی ایکی سنه دن برو بو تجارتی
 کشاده واسطه لر آرامقده قالدی وروبرت شوو

نام قوميسرك عرض ايلديكى لايحه لرله مرامنه واصل
اولوب اشبو ۱۲۹۰ سنه سى محرمنده آتالق غازينك
استانبوله كچن مبعوثيله تجارت و سفارت معاھده سنى
ياپدى شمدن صكره انگليز ياركنده بر سفير
كوندره جك آتالق غازى ده قال كوتيه بر سفير ارسال
ايدە جك.



قسم ثانی

خیوه خانلغی

موقع

خیوه بزم کتابلرده «خوارزم» اسمیله مشهور
قطعه در . خیوه اوقیانوس اورطه سنده بر آطه کی
چول میانه سنده واجات در . بوواحات شمال دن
ارال کولی و شمال شرقی دن جیحون بوی و جنوب
شرقی دن بخارایی فصل ایدن چول و جنوب
غربی دن تکه ترکمانلرینی آیران چول و غرب دن
کذا چول که بحر خزره قدر ۲۰۰ ساعتک ممتد
اولور . دیمک که خیوه واحاتی شمال دن جنوبه ۴۵
و شرق دن غربه ۴۰ ساعتک قدر وسعتده بر قطعه در .

چولده بعض واحات دخی واردرکه آنده
 ساکن اولان تسکه ترکمانلری و بحر خزرکنارنده
 آتا ترکمانلری و کذا منغشلاق چاودارلی و حسن
 ایلینک عشائری و جیحونک جهت شرقیه
 شمالیه سنده روسیه حدودنه دک قاره قالیقلر هپ
 خیوه خانک نقوذی آلتندملر . بناء علیه دینورکه
 خیوه خانلی شمالدن آرال کولی و غیر غیز چولی
 شرقدن بخارا جنوبدن افغانستان و خراسان
 غربدن بحر خزر ایله محدود.

خیوه نک استحکامات طبیعیه سی اطرافنده
 اولان چوللردر . بو چوللر ترکمان آتلرندن و دوه
 لرندن بشقه واسطه ایله کچیله من .

خیوه جیحون چایله صولانور یا غمور پک
 نادر جیحون الیوم اوز بکلرک امین دریا دیدکلری
 درکه عجملر آب آمو و اوروپالیلر آمودریا یازارلر
 جیحون ایام قدیمده ایران ایله توران بیننی فصل

ایدوب بحر خزره دو کولدیکی کتب عتیقه ده
 محرر در. شمدی بمصبی آرال کولی ایسه ده اسکی
 زمانده اور کنج اوزرندن شرقه دونهرك بحر
 خزره قدر یتاغنی کشف ایلدیلر. اسکی کتابلرده
 کوریلان داودان قلعه سنک قزیل قلعه نك شهسنة مك
 وختن قلعه سنك خرابه لری بو اسکی یتق بوینده
 نمایان در دیورلر و بو یتاقله اهل جغرافیایا ظن
 ایتدیلر که کتب عتیقه نك روایتی وجهله بحر
 مذکور دو کیلورمش خیوه ایلرک آبا واجدادلرندن
 نقللرینه کوره جیحون چایی بوندن فقط بش
 عصر اقدم و ابو الغازینک یازدیغنه کوره بوندن
 فقط ایکی عصر مقدم بر حرکت ارضیه شرق
 یتاغنی دیکش دیروب شمالده بحیره خوارزمه دونمش
 بوایسه صحیح اوله ماز زیرا بوندن التی یدی عصر
 اقدم اهل جغرافیایا و طموز اون قرن مقیم
 مسعودی (تقویم البلدان و مشترک وقایع و نزاع

المشتاق ومروج الذهب مؤلفه (جیحونک)
 ارال کولنه منصب اولدیغنی ذکر ایتدیلر .
 جیحون درین وعریض در . حتی خیوه طرفلرنده
 عرضی ۶۰۰ قدم کلور ارال کولنه پک چوق
 آغزلرله دوکیلور . روایت کوره مصبیه قریب
 اوقدر منقسم اولورکه قوللرک چوغی آت قارننه
 چیقماز بناء علیه دیرزکه روسیه ارال دوناماسیله
 جیحونه کیره مز مکر سیلرله صویک طاشدیغنی
 بروقته تصادف ایتدیره

خیوه لیلرک بونهردن آچدقلری قناللری
 اوقدر کثرت و اوپله هندسه ونسبت اوزره درکه
 عقل حیران اولور . باشلوجه قناللر ۳۲ قدم
 عرضنده در . مناسب محللره بیوک کوللر دخی
 قازمشلرکه قورافلقدده اسقاء ایچون احتیاط
 حوضلری در . قناللرک باغلری هنرله مناسبتلی
 یاپلمش سهولتله آچارلر قپارلر . جیحونی و بیوک

قنالاری غایت قوی و هنرلی یاپلمش کو پریلرله
شیشیریورلر . (۱)

جیحون اوزرنده بیوک صالار و دومنلی جیم
معونه لرایله بخارا تجارتی ایدرلر . قناللرده بیوک
سازان بالقملری بوانور . نفس خیوه نك جهت
غریبه سنده صاری بابا جبال متسلله سنی پك

(۱) خیوه ایملرك بویابده هنرلی مصریلری چكش
نیل ایچون جیحون دن چوق درس آله بیلور . مصره
اهالینك اتخابیله بحق رئیس اولان بیوک محمد علی به
قدر کیمسه نیلی سدا یله شیشیرمك مسئله سنی دوشومتدی
مع هذا یاتش اولدیخی برقنطاره حاجنه کفایت ایتدی .
قلدی که نیل بحر سفیده طوغری هر بر میل (انکییزی) ده
بر بحق قدم اینش ایله آق دیغندن سدرله شیشیرلمسی
کوچ دکل در وسدلر یوکهك یاپیلوب سطح نیل ۶۰
قدم قالدیرلمسه شلات دخی قلماز . بو صورتده نیل
مصری قات قات منبت ایدر . و بحر سفید دن سفینه لرله
کیریلوب غوندوروقه یه یعنی درت بش عرضنه قدر
کید یله بیلور .

یوکسک دکل . جیحون شمال شرقیسنده شیخ
 جلیل طاغی ارال کولنه طوعزی ممتد قوبا طاغی
 کذا شمالده وشیخ جلیل حذاسنده در . شیخ
 جلیل ده اورمان التون کموش قورشون کوکورت
 و براز باقر معدنلری موجود جیحون قوملرنده
 التون توزی بولندیغنه دار حکایه هر نقدر دلی
 پترو اینانمشسده ثابت دکل .

خیوه یاز بک صیچاق و قیش بک صفوق
 اولور . هله چوله روزکار ا کسک اولمادیغندن
 قیش صیاحتی مشکل در .

امام ثعالی (لطائف المعارف) خیوه برودتی
 وصفده شونی سویلمشدر .

ثعالی

لله برد خوارزم اذا کلبت
 انیابه وکست ابداننا الرعدا
 قالشمس محجوبة والريح مدمية

جلود قوم اضاعوا الصبر و الجلدا
فالماء مستحجر والكلاب منجحر
والزهر يرسوق الصرد والصردا
فلو تقبل معشوقا مخالسة

رأيت فاك على فيه وقد جددا

خيوه هواسي بك سالمدر . وبا و طاعون
وقولرا اوراده معلوم دكل . هپ شهرلر و كويلر
باغلق و بنچهك اولوب خيوه اطرافى بر قاچ مرحله
اشجار مئمره در .

چولده حيوانات و حشيه دن قورت دلكو
و چقال چوق بر نوع يرفارده سى واركه خيوه ليلر
كيريچى ديهـورلر . عادتاكدى بيوكلكنده اوكل
اياقلىرى قيصة تويى سياده قوم انچنده يشار جيران
و كيك بك چوق شكارچى قوشلردن قارطال
طوغان شاهين كئثرت اوزره خيوده اك معتبر
آوقوشى قيش قالطاق در .

اهالی

خیوه اهالیسی درت قوم دن مرکب سارت
 اوزبك ترکان قاره قالپاق «سارت» فی الاصل
 فرس دن در . بلخ و بخارا و خیوه نك اصل
 یریلری سارت ایدیلر . بونلر کندیلرینی تاجیک
 تسمیه ایلرلر . مغوللر سیراق دیرلر . سارتلر
 شهرلرده و قصبه لرده ساکن اولوب تجارت
 و صرافلق ایدرلر . هپ عقل و حیللری نه طریقله
 اولورسه اولسون پاره قزانمغه مصروف در .
 بونلرک نفوسی ۱۱۰۰۰۰ تخمین اولور .
 «اوزبك» اوز غوز اوغوز فی الاصلی برکله
 اولوب براسکی خانلری اسمندن مأخوذ اویغور
 بونلردن آل عثمان و ماجار دخی فی الاصل بو
 ترکلردن شمدی بلخده بخاراده (بر یحق ملیون
 اوزبك) خیوده خوقنده بلوط طاغی جوارنده
 حکومت اوزبکارک الیرنده در .

اليوم خيوه اوز بکری شودرت عشرين دن مرکب

۱ اویغور نایمان

۲ قانغلی قبچاق

۳ قیات قنقرات

۴ نکوز منغت

خاندان حکومت قیات قنقراتدن . اليوم خيوه

اوبکری ۷۰ بیک نفوس عد اولنه یور .

«ترکان» بواسمک مأخذنده درلو توجیهلر سویلرلر

نشریه کوره ترک و ایمان کله لرندن ترکیب

مزجی در غالباً ترک کومان تخفیفی در کومان ترکی

دیمک کویلرده و چفتلکارده ساکن اولان ترکمانلر

۱۵۰ بیک نفوس . «قارده قاپاق» ماورای جیحونده

بر قسمی حیوانات ایله تعیش ایدر بر قسمی

ارال جنوبینده چفت سورر ۱۲۰ بیک نفوس

بونلردن بشقه خيوه ده الی آلتش بیک قدر عجم

کرد وروس اسیرلر وار (روس درت بش بیک

تخمین اولنه یور) قیرغیزلر آراقده آیاقلانوب
روسلرله محاربه ایدرلر. طوتدقلری اسرای
حربیه بی خیویه وبشقه یرلر کتوروب ساتارلر
ترکانلر دخی عجملرله اولان محاربه لرده طوتدقلری
اسرای خیویه ساتیورلر.

روس اسرای حربیه سندن خلیسی اسلام
اولمش و اسلامدن تأهل ایدوب فاملیا صاحبی در
خانک بوروسلردن متعدد مقربلری واردر و سنی
اولان عجملر دخی دولت خدمتده استیخدام
اولنورلر.

خیوه لیلرک قیرغیزلردن و ترکانلردن ساتون
آدلری نه قدر اسرا وار ایسه هر برینه بر بدل
تعیین اولنش در یا مکاتبه طریقله یا خود فاملیاسی
جانبندن پاره کتیرتمکله تأدییه بدل ایدن حردر [۱]

[۱] اسارت فی الاصل شریعتده جزای شرک ایدی
زمان اخیرده جزای عجز اولدی مع هذا «اعدایی

قیرغیزلرک طوتوب کتیر دکلری روسلردن هربری
 ۸۰ طلا بدل ایله ساتلایغندن بش بیک روس
 وار ایسه بش بچق ملیون فرانق ایدر .
 دیمک که خیوه خانک طوغریدن حکم ایتدیکی
 سکنه ۵۰۰,۰۰۰ نفوس قدر بونلردن بشقه
 قبائل وعشار وار .

بحرخزر شرقند، ترکان قبائلی شونلردر [۱]

صکره اقرباسنه صاتمق ایچون صاغ طوتماغه چالشمق
 قان محافظه سنه چوق خدمت ایتدی
 معلوم که اسلام الله دوشان اسرا
 دیگر اهل ادیان النده کی اسیرلر کی خور و حقیر
 دکل درلر بوندن چند سال اقدم آمریقالیلر اسیرلری
 پرانقه ایله چالشدیرلردی . انکلیزلر جمهوریت اعلان
 ایتدکلرنده (قرومول وقتند،) آلتی بیک اسقوچیلانی
 «بونلر قراللق طرفدارانی» دیو لوندرده مزاد ایله
 بیع ایتدیلر قالدی و وطنلرنده براقلمق اوزره دکل
 تا آمریقا ده کی انکلیزلرک اراضیسنه خدمت ایتک
 شرطیله ساتدیلر .
 [۱] ذکر اولنان قبائل دن هربری چوق شعبه لر
 تقسیم اولنور .

مواقع	اسماء قبائل	خیمه
منغشلاقدن خیمه یه	چاودور و حسن ایلی	۸,۰۰۰
بلقانندن خیمه یه	آتا	۱,۰۰۰
اترك اطرافنده	تکه	۳۰,۰۰۰
تکه شرقیسنده	سالور	۴,۰۰۰
کذا	سارق	۳۰,۰۰۰
سالور شرقیسنده	یومرولی	۳۰۰
اترك و جرجان اوزر لر نده	یموت	۴۰,۰۰۰
کذا	کوکلان	۴۰,۰۰۰
بخارا طرفنده	ایرساری	۱۰۰,۰۰۰
کذا	صاقار	۲۰,۰۰۰
خراسان طرفلر نده	اویماق	۸۰,۰۰۰
		<hr/> ۳۴۳,۳۰۰

هر خیمه بش نفس حساب اولنسه

۱,۷۱۶,۵۰۰ نفوس ایدر

یونلردن بلکه بر ملیونی خیمه خانلغنه تابع

اولدیغندن دیگر یش یوز بیک ایله جمعا خانک
نفوذی آلتده اولان نفوس برحق ملیون اولور.
[*] خیوه نك مشهور شهری لوی

«خیوه» استرآبادین ۱۴۰ ساعت خانک مرکز
اقامت در . جیحوندن ایکی قنال اورطه سنده بناء
اولنش ایکی حصارى وار ایکیسی دخی درت گوشه لی
ایچ حصارک هر یوزی ۶۵۰ مترو یعنی چوره سی
۴۰ دقیقه لاق قدر بو حصارده بش محله و اوچ
قیو وار خانک سرایلری بونده باب شرقی یاننده.
طیش حصارک چوره سی بر ساعت ۴۰ دقیقه لاق
طقوز قیوسی موجود ایکی حصار یئنده یعنی
واروشلرده بش محله وار و بالجمله خیوه ده

[*] کاتب چلبی خیوه ایله خیوقی بشقه بشقه ایکی
شهر زعم ایلدی . حال بوکه خیوق قاف ایله خیوه
معربی در . برده وزیر شهرینی خیوه نك قارشوسنده
دیو یازدی . قالدی که ابو الفازی کرکانیج ایله وزیر
آره سی آلتی آغاچ در دیور تقریباً ۱۲ فرسخ ایدر.

۴۰۰۰ خانہ ۲۰۰۰۰ نفوس ۱۷ جامع ۲۲ مدرسہ
 ۲۶۰ مغازہ ۲ کاروان سرای وار ابنیہ طیراقدن
 کرسیچ دن فقط طاش بناء اوله رق ۲ جامع بر
 مدرسہ وبر تجار بورسہ سی موجود خیوہ نک
 اولو جامعی و منارہ سی فن ابنیہ جہ بک ظریف
 وشایان تحسین ذرہ.

قدوة المشايخ ابو الجناح احمد بن عمر بن
 محمد الخیوقی بو شهر دزد در وفاتی فی ۶۱۰ تقریباً
 وکذا علامہ شهاب الدین الخیوقی محمد خوارزم.
 مشاہک شیخ الاسلامی مقامندہ اولوب ممالک
 محکومہ نک هر طرفندہ قاضی ومفتی آنک امتحانیہ
 نصب اولنوردی .

«جرجانیہ» [*] خوارزم. اورکنج. کرکنج

[*] بورادہ جرجانیہ قزوینی نک وکاتب چلبی نک ودیکر
 بمضیلرک یازدقلری کبی قیداولندی لکن کتاب ختامندہ
 خریطہ بی یاپارکن بعض شبہ لر عارض اولدی تابمین وتبع
 التابمین وقتلرنده فتح اولنان خوارزم پایتختی «فیل»

دخی دیرلر . سلفده بغداد و بخارا کی امهات
مدائنن عد اولنوردی . الك مشهور اهل نظر
(متکلمین) بوراده تحصیل ایتدی خوارزمشاهان

شهری نرده ایدی بلاذری بوفیل شهرینی خوارزمک
الك مستحکم قلعه لی مدینه سی اولق ارزره وصف ایدر...
یاقوت جیحون شرقیسنده صوایله خراب اولمش
ر منصوره شهری یازار واسه قدیمی فیل ایدی کرکانچ
بودر دیور

قانون و اطوال و تقویم البلدان صاحب لری
خصوصا طوسی و اولوغ بک کرکانچ دار المنک و نوکرکانچ
نام لریله ایکی شهر یازدیلر.

ابو الغازی ایسه خیوه خانی اولدینی حالدیه فقط
ر کرکانچ ذکر ایدیور و موقعی آنلرک نوکرکانچ ایچون
یازدقلری درجه ده شرح ایلور قالدی که اوروبالی
شرق سیاحلری یکی کرکانچ شهرینی خیوه قربنده رسم
ایدیورلر.

اشته بونلردن خلاصه اوله رق اکلام که اوچ کرکانچ
اوله جق بری طوسی نک و اولوغ بک ۹۴ درجه و ۳۰
دقیقه طول.

(جرجان ۹۰ و مروه ۹۷ اولق اعتباریله) ۴۲

وقتنده اويله بيوك ومعمور ايدى كه سلطان محمد
بن تكش بر كره حربده منهزم اولوب بش اون
اتباعيله اوركنجه ليلا كيردى صباخيسى او توزيريك
سواري ايله چيقوب اعدايه قارشو كتىدى علامه زرخشمرى
(ربيع الا برار) بو جرجانيه نك فضائلى حقهنده
غريب غريب شيلر يازمش در حقى احاديث دخى
نقل ايدر . زرخشمرى بوراده وفات ايتدى
فى ۵۳۸ شو ذكر ايتديكمز جرجانيه به كر كننج

۱۷۰ عرضده رسم ايتدكلى دارالملك كر كانچ كه قديم
فيل ومنصوره ديدكلى شهر بو اولمق كرك .

ايكنجى كر كانچ ينه مومى اليهمانك ۹۳ و ۵۴ طوله
۴۳ و ۳۵ عرضده كوستر دكلى نو كر كانچ كه ابو الغازينك
بيلديكى اوركننج بودر فى ۹۸۴ جيحون اراله دونمسيه
چولده قالمش شمدى بودخى خراب .

اوچنجى كر كانچ اوروپالى سياحلك خيوه قربنده
كوستر دكلى يقينلرده ياپلمش كر كانچ دركه صحيفه ۴۸
كر كننج جديد تسميه ايدر ك وصف ايلديكمز شهر بو
اوله جق دره .

کبری دیرلر فی ۶۱۰ تاتار خراب ایتمشیدی
 «کرکنج صغری» کرکنج جدید الیوم بتون
 خانلغک مرکز تجارتی در. پک چوق خانلری
 و مغازه لری اولوب خیوه تجارینک بخارادن ادخال
 ایتدکلری و روسیه یه اخراج ایده جکلری بالجمله
 اموال تجارت هپ آوراده مغازه لنور دورا و لنور
 تحمیل ایدیلور سوقاقلری یوکلرله دوه لرله حاملرله
 دلالرله بازارلق کسیشان تجارله طولودر بیوک
 پایتختلرک بورسه یرلری کی غلبه لق در سکنه سی
 ۳۰,۰۰۰ نفوس.

«کات» بو شهر سلفده مولد علماء و مقرر
 حکماء ایدی بو کون تجارتجه مشهوردر خصوصا
 قیرغیز آنلرینک بازار یری در.

زمنخشمی کات قریه لرندن ایدی.

«هزاراسب» ایکی قنال اورطه سند و جزیره کی در
 عالمه و فاضله رحمة بنت ابراهیم بو شهر دن در وفاتی

فی ۲۶۸ سلفده قلعه سی متین و مستحکم ایدی
اتمنر شاه عسکر مغولدن بوزلدقده بوراده تحصین
ایتمشیدی الیوم ۲ بیک سواری عسکر چیقار
«سواد» قیرغیزایله تجارت مرکزی بر شهر مستحکم در
۲۰۰۰ سکنه سوار

«کورلیان» بودخی تجارت مرکز لرندن در خانک
بک چوق برلرده قصرلری وارد هر قصر قلعه
داخلنده اولوب خارجی خانه لرله معمور اولدیغندن
قصبه مقامنده در قپچاق قونققدار آق سرای خان
قلعه سی و دیگرلر هپ بو قیلدن امراء و اعیان
وخاندانلر هر برینک چفتلک قوناغی محکم حصارلی
اولوب اطراف اهلینک خانه لرله معمور قصبه دره

تاریخ

فی ۲۸ امیر المؤمنین عثمان عبدالله بن عامری
(رضی الله عنهما) بصره والیسی نصب ایلدی فی ۳۰

خراسانی فنجه کتدی و ماورای نهر حا کملریله
عقد مصالحه ایلدی .

یزید بن معاویه وقتنده اهل خوارزم خراسان
والیسی سلم بن زیاد ایله درتیوز بیک درهمه مصالحه
اولدیلر سلم نهر جیحونی مقاطعه ایله اداره ایلدی .

حجاج خراسان و عراقین والیسی ایکن یزید بن
مهلب خوارزمه غزا ایدوب غنایم و اسراء الدی
لکن امیه بن عبدالله و صکره قتیبه کی فیل شهرینی
فتح ایتمکه موفق اوله مادی . کعب الاشقری

(بیت)

اعطتك فيل بايدها وحق لها
ورامها قلبك الفجفاجة الصلف

ییتنده مرقوم یزیده تمریص ایدر .

قتیبه بن مسلم الباهلی خراسان والیسی اولدقده
خوارزم حکمداری خرزاد ایله قرنداشی بیننده
ملك غوغاسی وار ایدی خرزادك قرنداشی اسلام

حکومتنه عرض تبعیت ایدوب حمایت طلب ایلدی
 قتیبه قرنداشی عبدالرحمن ایله خوارزمه عسکر
 کوندردی خرزاد مغلوب و مقتول اولدی
 قرنداشی خوارزمه حاکم نصب ایلدی لیکن
 اهالی آنک اداره سنی بکنمک لرنندن قیام ایدوب
 اولدردی لر قتیبه کندینک دیگر قرنداشی عبدالله
 حضرتی خوارزمه نصب ایتدی اشته اولوقت
 خوارزم برنجی کره اوله رق اسلام عربدن حاکم
 ایله اداره آلتنه کیردی و خراسان ملحقانندن
 اولدی .

ترکان و اوغوز و اوزبک هپ بر ترک قاملیاسندن
 ایدیلر .

اوغوز لر که [*] سییحون و جیحون آرد سنده

[*] مسعودینک غز و بلاذری نک غوز یازدیغی
 بونلردر . بونلرک ممالک سنه اسلامدن اڤاول غزا ایدن
 متوکل علی الله وقتنده طاهر بن عبدالله ایدی .

ساکن اولورلردی طاغ خان اولادندن خانلری
«سالور» فی ۳۵۰ اسلام ایله مشرف اولدی آنکله
برابر ایکی بیک فاملیا اسلامه کلدی سالور
بعدالاسلام «قاردخان» اسمنی الدی واسلامه کلان
اوغوزلره «ترکان» تسمیه ایلدی .

سالور ایله اسلامه کلان ترکار بحر خزرک
جهت شرقیه سنه و جهت غربیه سنه هجرت ایدوب
ساکن اولدیلر بونلره حسب المواقع شرق ترکانلری
وغرب ترکانلری دینیله کلدی .

قارخان دن صکره اوغلی موسی خان اطرافک
علماء و مشایخنی جمع ایدوب مسیحدر مکتبلر
خاقاقلر یاپدی بونک وفاتندن صکره عموجه سی
بوغراخان هارون خان اولدی حکومتی شرق دن
کاشغر بلاساغون و تاجین حدینه توسیع ایتدی
وفی ۳۸۹ بخارای عیجم سامانیه الندن الدی آندن
صکره احمد بن ابی نصر بن علی خان عبده اصنام

ترک‌رله جهاد ایلدی و چوق فاملیاری اسلام ایدوب
 شرکدن قورتاردی بده قرنداشی ارسلان خان
 ابوالمظفرکه «شرف لدوله» دیو مشهوردر فی ۴۰۹
 بتون ماورای جیحونی بحر خزره قدر فتح ایلدی
 وفی ۴۲۳ کوچدی ارسلان خاندن صکره بوغراخان
 اوغلو یوسف قادرخان

« لا اكرام في الدين قديين الرشد من النى »

فحوای شریفی طوب مساحه مذاهب ايله
 مشهور اولدی و اوغلی قادر خان یرینه کچدکده
 فی ۴۳۸ برادری محمودله برلکده تسمیم ایلدی
 آندن صکره « سراولماسنجه پای پایداری اولماز »
 فحواسنجه نظام اتحادلری مختل اولدی قارمخان
 حکومتی اولوقت سمرقندخانی طغماج خان الله کچدی
 و طغماج خان فاملیاسی آل سلجوق ايله قارشیدی
 شویله که شمس الملك بن ایلک خان بن طغماج
 آل ارسلانک کریقه فی تزوج و کندی مشیرده سی

ترکانی ملکشاهه تزویج ایدرک بر فاملیا اولدیلر .
 کله لم خوارزم شاهانه که اور کنج پادشاهلری
 بونلرک برنجیسی ترک دن نوشتکین درسلیچوقیه
 طرفدن خوارزم شاهی نصب اولندی بونک
 فاملیاسی فی ۴۹۰ عراقه و ماورای نهره بالاستقلال
 حکومت ایتکه باشلایوب طقوز شاه ۱۳۸ سال
 سلطنت سوردیلر بونلردن علاءالدین ماورای
 نهره دخی مستولی اولدقده آل عباس خطبه سنی
 خراسان دن و ماورای نهر دن قطع ایلدی .

بوفاملیا قاغنیلی (قانغلی) ایله قارشدی
 شویله که تکش پادشاه قاغنیلی اولولرندن برینک
 قیزی (اسمی ترکان) آلدی مشهور سلطان محمد
 جلال الدین او قیزدن دنیا یه کلدی بوسبیدن آنک
 زمانده قاغنیلی اکثریت اوزره اسلامه کلدی
 بونلردن سلطان محمد کلوب عسکر اولان اللی
 آلتش بیک نفوسه بالغ ایدی ترکستان و بخارا

پادشاهلرینی بوقاغیلی بکارندن تعیین ایتدی آخر
شاهان محمد جلال الدین ایدی که دنیاده کچن اک
شانی حکمدارلردن معدوددر مملکتک برطرفی
هندستان وبریانی اندجان و ترکستان و برجهتی
عربستان و دیگر جانی روم ایدی .

دولت عثمانیه یی تأسیس و تشکیل ایدن عثمان
غازینک جدی شاه سلیمان بن آلب قیا اشته بو محمد
جلال الدین خوارزم شاهک بکارندن اولوب
طرفندن مروه محافظی ایدی دغین و غیبون نام
مورخلره کوره آل عثمان خوارزم ترکارندن اینمشلر .
خوارزمک و عراقک علوم و معارف و صنایع جه
اک پارلاق تاریجی اشبو خوارزم شاهان زماننده در .
خوارزم لیلردن بر فاملیا فی ٦١٠ هندستان ده
دلهی حکومتی تأسیس ایلدی بوشعبه الی ٨٠١
باقی ایدی .

خوارزم شاهان دزد و مغول استیلا سندن صکره

خیوه قطعه سی خراسان ملحقانندن قالب هرکم
خراسانه حاکم اولورسه خیویه برداروغه کوندره
کلدی و برخیلی زمان قیچاق دولتی ممالکندن
معدود قالدی .

طقورنجی قرنده ماورای نهرده شیبان بن
جوجی بن جنکیز اولادن دولت اوزبکیه ظهور
ایلدی که شیبانیه و شیبکیه دخی دیرلر .

بونلر شیبان نسلندن ابوالخیر اولادی در .
ابوالخیر علامه اولوغ بکک همشیره سنی تزوج
ایدوب پتمورلنک فاملیاسیله قرابت کسب ایلدی .

ابوالخیرک بیوک اوغلی شاه بوداق وانک
بیوک اوغلی شاعر و ادیب محمد شاه بخت [۱] که
بیوک جدی اسمیله شیبان مخلصنی آلدی .

[۱] شاه بخت اشبو محمد شیبان در بزم تاریخلرده
ابوالخیره شاه بخت و شاه بخته شاهی بک دیدکلری
یا کلش در ظن ایدرم .

اشته بو ابو الخير وقتنده جوجى بن جنكيز
 اولادندن برده يادكار خان وار ايدى كه بونك اولادى
 مستقل خيوه خانلغنى تشكيل ايتديلر بو يادكار خان
 قالملياسى بزم و اوروپانك مورخلرينه مجهول
 قالدى و اكر خيوه خانى ابو الغازى اون برنجى
 عصرده شجره سنى يازمامش اولايدى بلكه
 الى يوم القيام بيلنمزدى

بو مجهوليتنه بناء و خيوه نك تاريخ و حكومتى
 اجمالا بيان قصد ايلديكمدن دولت يادكارى تحرير
 ايديم بو تحرير آره سنده سلاطين عثمانيه نك
 آساي وسطى ايله عقد و حل اولنش بعض
 روابطنه دخى اشارت ايدرم

خیوه ده یادکار حکومتی

و اوزبك خانلرينك

سلاطين عثمانیه ايله

مناسباتی

یادکار بن تیمور شیخ بن حاجی تولى بن

عربشاه بن فولاد بن منكو تیمور خان بن باداقل

بن جوجى خان بن جنكيز خان

بو یادكارك درت اوغلى وار ایدی بیوکی

بورکه ایکنجی ابوبك اوچنجیسی آمنك دردنجی

ایلك بورکه خان ابوالخیره سرعسكرلك ایتدی

شجاعته مشهور و معروف ایدی شاه بخت

بروقت بورکه خانه محبت اظهار ایتدکن صکره

برکون غافلا باصوب قتل ایلدی

بو بوراده قالسون.

ابوالخیره وقتنده خراسانه و خوارزمه حکم

ایدن سلطان حسین میرزا ایدی حسین میرزانک
 وفاتندن صکره شاه بخت خراسانی آنک اوغللرندن
 آلدی و خوارزمه داروغه کوندردی. بوندن بش
 آلتی پیل صکره قزیلباش شاه اسماعیل خراسانی
 آلدی و قوغبولان مروه محاربه سنده شاه بختک
 فصل تلف ایدلدیکی و شاه اسمعیلک آنک کله سندن
 نه درلو جام می اتخذ ایدلدیکی بزم تاریخلرده
 تفصیل اولمش در.

بوندن صکره شاه اسمعیل خوارزمه اوچ
 داروغه کوندردی. بری خیوه و هزاراسبه بریده
 اورکنجه و دیگری وزیره.

اورکنجه داروغه سنک اسمی «سبحان قولی»
 اصلی عرب ایدی وزیر داروغه سنک آدی
 «رحمن قولی» خیوه و هزاراسب داروغه سنک
 اسمی بیلیمورز «رحمن قولی» وزیره وصولنده
 اکابر و اعیانه ضیافت ایتدی بو ضیافته هرکس

کتمدی فقط ترك « قاضی عمر » تمارض . ایدوب
 کتمدی وایرتسی اوچ درت اکا بری جاغروب
 دیدی که (۲) « ینکی کیلکان حاکم نینک
 برکان سروپای قوتلوق بولسون وینکی دینکز
 هم قوتلوق بولسون »

اکابر « ینکی دین تیکانینکز نه بولور »
 قاضی « هنور کاچه پادشاهنکز شاه اسماعیل نینک
 وبو حاکمینکز نینک نه دین ومذهبی باریخی ایشما
 دیکنز مو » اکابر ایشتمدکلرینی بالی-ان
 « بزکا هر نیچه یلدا هر کیم خراسان پادشاهی
 حاکمی بولسه اندن داروغه کلور بز مونی
 هم شونداق خیال قیلاتور ورمیز »

۲ بومکاله خیوه خانی ابوالغازینک اوشالندن
 عینله نقل اولاندی . « سروپا » خات دینک دره

قاضی « اون اوچ اون دوت ییل بولدیکم
 شاه اسماعیل بومذهبنی اختیار قیلغالی بوبر
 باطل مذهب تورور (بطلانی بربریان قیلقدن
 صکره) حالا بوداروغه نینک کشی سی آ ز
 بزکوب قورقاندین ظ-اهر قیلما-ای تورور
 برنجہ کون تورقاندین سونک اختیار ینکزی
 الغاندین سونک اول سز اکابرلر کاسب صحابه نی
 تکلیف قیلور سیزلارنی اوزونیکی قیلغاندین
 سونک عامه غه تکلیف قیلور قیلماغانی اولتورور
 تیز غمیمنکزی یماسنکزمسلم-ان لیقندن ایریلوب کافر
 بولدینکزه .

وزیر اکبری بونک اوزرینه شاه اسماعیل
 داروغه لرینی طرد افکارنده اولدیلر سه ده
 دوت بش ییل کجدی برشیئه قرار وره مدیلر نہایت
 صید آنا نسلندن حسام الدین قتال تام بهادری
 ریاسته دعوت ایدوب بیعت ایتک استدیلم

دیدیلرکه « سزنی پادشاه قیلالی قیزلباش فی
قبرالی »

حسام‌الدین « منینک » پادشاه بولور و مغه
خلق بوکون قایل، بولسه نانکا قایل بولم-ازلار
اگر سز لار بوایش فی راستنیک زیر لان قیلور بولسنکیز
من بر یخشی اصیل پادشاه تاپیب براین «
وزیر اکا بری بوله جنی پادشاه کیم در آدی نه در
سؤال ایتدیلر حسام آره اقدده اوزبک ایچنه
واروب حوادث آلور و بی-وک فامیلاری بیلور
اولدیغندن بورکه خان اوغلی ایلبارص خانک
اصلنی وشجاعت و بی-التنی بیان ایله خلقی اقاع
ایلدی ایلبارصه آدم کوندروب خیره خانلغنه
دعوت ایتدیلر

ایلبارص کوچک قرنداشی باله-اص و براز
آدملری ایله آتلانوب کلدی وزیر اهالیسی
ایلبارص یا قلاشدقده باله-خبره هپ قزلباشلری

لی-لا قتل ایدوب صاحبسی یکی خانی ایچرویه
آلدیلر اولوقت وزیر مضافاتی یکی شهر ایله
ترسکدن عبارت ایدی

اشته خوارزم ده اوزبک حکومتی اشبو جنین
اولادندن ایلبارص بن بورکه بن یادکار ایله بائلادی
بوجدایت سنه ۹۱۱ وقوع بولدی

ایلبارص خان وزیرده اوچ ماداقامتدز صکره
اورکنج اوزرینه حرکت ایدوب سبجان قولی عربدن
محاربه ایله آلدی اوراده محاربه وقوعنه سبب
اورکنج اهتالیسی شاه اسماعیل داروغه سندن
ممنون اولوب حتی ایچلرندن بعضیلری سب صحابه
دخی ایتشلردی

خیوه و هزار ابد ده عجم چوق اولدیغندن
ایلبارصک قوتی فتحه کافی اوله مادی اولوقته دک

بخاراد عمو جہ لری ابوبک و آمنک (۳)
 و اباک ہپ اولمشتر فقط ابوبک و آمنک اولادی
 و ارایدی ایلبارص بخارادن عمو جہ سی
 اوغللرینی دعوت ایلدی آنلر ایللر یلہ عشیرتلیلہ
 کوچوب اورکنجہ کلدیلر ایلبارص خان
 وزیر ی آلوب اورکنجی بونلرہ و یردی آمنک
 اوغللری خیوہ و ہزار اسب و کاتی و خراسان
 اطرافندہ مہینہ و درون شہرلرینی عجم دن آلدیلر
 و خراسان دن بحر خزر ساحلندہ منغشلاقہ قدر
 حکم ایدر اولدیلر اولوقت خوارزم اداره سنی
 ایکی قطعہ یہ تقسیم ایدوب برینہ خراسان اتکندن
 استر آبادہ قدر « طاغ بویی » و اورکنج قطعہ سنہ
 « صوبویی » دیدیلر .

(۳) آمن مغول لسانندہ (جان) معناسنہ ک

چرفی ادات تصغیر آمنک (جانچق) دیمک .

۱ ایلبارص خان بن بورکه خان بن یادگار

جلوس ۹۱۱

۲ سلطان حاجی بن بالبارص بن بورکه

۳ سلطان غازی بن ایلبارص

بواوچ خان وزیرده اوتوردیلر آنلردن صکره

کلانلر اورکنج ده سلطان غازی پی بریل

خانلقدن صکره ضعفندن ناشی استغفایه مجبور

ایتدیلر وطاغ بویونی ویردیلر دین محمد بن اوانش

بن آمنک آنی قتل ایدوب طاغ بویینی ضبط ایلدی

مروده ده حکومت تشکیل ایتدی

۴ حسن قولی بن ابوبک

۵ سفیان بن آمنک

غریبه

بونك وقتنده ابوالخان ترکانلری سفیان طرفندن
 زکات طویلاماغه کلان قرق عاملی قتل ایلدیلر
 سفیان بوقاتلارہ اجرای جزاء ایچون اوزرلرینه
 عسکر چکدی ابوالغازی کتابنده سفیانک
 اورکنیچ دن ابوالخانہ رام عنیمتی غریب تعریف ایدر
 دیرکہ اولوقت جیحون اورکنیچ قلعه نك دیدن
 دونوب ابوالخان طاغتك جهت شرقیه منه وارو
 و طغ دیدن جنوبه چوزیلوب صکره شرقه
 اوغورچابه و اورادن مازندران دکنینه
 (بحر خزر) دوکیلوردی جیحونك ایکی طرفی
 وغورچابه قدر منعه و باغلق و اغاجلق اولوب
 نك معمور و مسکون ایدی شویله که پیشگاه دن
 وری کچیده قدر صویك ایکی طرفنده آداقلی

سمرقنددن جوانمرد خان حصار دن حمزه
 و مهدی سلطان نبیره لری خلاصه باجمعه
 ابوخییر اولادی عسکر چکوب خوارزمی فتح
 ایتدیله عیدالله خان اوانشی عمر غازی به
 تسلیم ایتدی عمر غازی آنی اولدردی فقط
 حکومتدن اثر کورمدی چونکه عیدالله خان
 خوارزمک اوزبک اوروقلرینی درته تقسیمله کندینه
 سمرقند خانه تاشکند خانه و حصار خانه
 توجیه ایلدی هربری کندی یرینه وکیلار
 و مأمورلر براقوب عودت ایتدیله عیدالله
 خوارزم اوزرینه اوغلی عبدالعزیز خانی تعیین
 ایلدی .

عیدالله فقه و ادبیاتدن علامه ظهور ایدوب
 وقتنده علماء و حکماء رغبت بولدی عجم اوزرینه
 چوق محاربه ده قزاندی سلاطین عثمانیه ک
 بوکا کلنجیه دك آسیا اوزبکلرله بر مخابره سی

معلوم دكل سلطان سليمان بو عبيدالله خان
 ايله بالخايره صفويه دينلان قزلباش حكومتى
 رفع و ازاله به اتفاق ايلدى فى ۹۴۶ عبيدالله
 خان وفاتنده شاه طهماسب او قدر ممنون و متشكر
 اولدى كه هپ خانقاھلره و قزلباش فقراسنه
 نذرلر صدقه لر احسانلر طاعتدى عبيدالله برينه
 كچن عبدالله خان بن كوچكنجى خان بن ابوالخير
 ايله دخى سلطان سليمانك اتفاقى دوام ايلديسه ده
 بونك برائى كورلار لى لى لى لى لى لى لى لى لى
 بالاستقلال جلوس ايلان عبدالعزیز ايله تحاب
 و اتفاق يالكنز مودتنامه ارسالندن عبارت قالمايوب
 فى ۹۶۰ سلطان سليمان اوچ يوز نفر يكيچرى ايله
 بيوك و كوچك طويلر كوندردى فقط بويكيچريلر
 و طويلر وصولنده عبدالعزیز خان وفات ايتمش
 و يرینی تاشكند حاكمى راق خان (نوروز احمد بهادر)
 غصب ايلشيدى براق خان سلطان سليمان

بر سفير مخصوص ايله نامه كوندروب مآلنده
 «تحت خلافت»، جلوسنى اعلان ايدر و بو مكتوبنده
 « وقتا كه سفير اكر و او چيوز يك چرى بيوك و چوك
 طويلر كتير ديلر، ديو اعانهك وصوانى ذكر ايدوب
 آنجق كنديسى استقلاتى تأسيس ايجون
 محاربات ايله مشغول اولديغندن بالمقابله عجم اوزرينه
 اعانه ارسالنه وقت بوله ماش كى اعتذار ايلر
 سلطان سايمانك بو مكتوبه يازدينى جوابنامه ن
 آكلا شيلور كه براق خانك كوندرديكى سفيرك ايجى
 « قوتاق فولاد، ايمش سلطان سايمان سفيرك
 و نامك وصولنى وعيد الله و عبدالعزیز ايله كچن
 تحريك دوامى بعد الاشعار عجم ايله مصالحه
 اولديغندن ايكي مملكت بيتنده اعانه ارسالاتى ممكن
 اوله ميه جغنى اعلام ايدر .

براق خان بخاراى و خراسانى دخى ضبط
 ايتدكن صكره ايكنجى كره اوله رق نظام الدين

احمد چاروشی نامه ایله کوندرر بو نامه سنک
مائی فتوحاتی اعلان دن عبارت و تاریخی
ربیع الاول ۹۶۳

اوچنجی نامه سی دخی ثابت در شیخ مصالح الدین
مصطفی (مولانا علاء الدین و علی چلبی و یحیی چلبی
اقر باسندن) اقر باسندن بر برینی زیارت ایچون ا-تانبوله
کیدرکن براق خان توصیه ویرمشدر سلطان سایمان
بومکتوبه ادرنه دن ۱ رجب ۹۶۴ جواب یازوب
شیخه حرمت و رعایت ده قصور ایدلیه جگنی
اشعار ایدر.

سلطان فردوس مکانک جمادی الاولی
۹۶۳ تاریخی بر مکتوبی ده وار اکا داتر
مطالعه مزئی اشاغیده سویلرز.

عبیدالله خان خوارزمی فتح ایلدکده اوانش
اوغلی محمود و علی و اولاد سفیان یوسف و یونس
واغظای اوغلی حاجم سلطان هپ طاغ بونی نه

قاچوب دروزده دین محمد سلطان بن اوانش
 نزدینه واردیلر واورادن حضرایلی و آدقلی
 بهادرلریله بالمخبره والاتفاق (عید خان عسکرله
 رجعت دن صکره) خوارزم اوزرینه یوریدیلر
 هزاراسی و خیمه بی آلدیلر اورکنجده عبدالعزیز
 خان بونی ایشیدنجه بخارایه قاچدی .

۸ قال خان بن آمنک

عید خان ایکنجی کره خوارزم اوزرینه
 عسکر چکدیسده مغلوباً رجعت ایلش آمنک
 اولادی بالاتفاق حاجم خانی عیده کوندروب
 صلح اولمشلر و حاجم خان عودت ایدرکن
 ماوراءالنهره التجاء ایتش اولان آمنک اولادینی
 جمع ایدوب خوارزمه کتیرمش ایدی اولوقت بالاتفاق
 قال خانی نصب ایتدیلر قال خان داخلی و خارجی
 صالح و آسایشی تأسیس و ابقاء ایدوب بتون همتمی
 زراعت و عمارته صرف ایلدی ابوالغازی آنک

و قتی مدح ایدوب « برپوله برنان بولدی » دیدی
 ۹ آغاطای بن آمنک .

وربرده اوتوردی وقتی اختلالات داخله
 ایله کچدی بخارایه قاچان یونس بن سفیان اورکنجه
 کلوب ضبط ایلدی آغاطای وزیردن عسکر چکوب
 اوزرینه کادی شیخ نجم الدین کبرانک مقامی
 اوکنده ایقاع اولنان محاربه ده یونس غلبه ایتدی
 واغاطایی اولدردی ولایات حکومتلرنده بولن-ان
 اغاطای اولادی بالاتفاق اورکنجه یوریدیلر
 یونس مقاومت ایده میوب تکرار بخارایه قاچدی
 واوغلی قاسم سلطانی بوانهزامدن صکره حاجم
 سلطان پدری قایچون اولدردی .

۱۰ دوست محمد بن بوجغا .

بعده دوست محمدی خان نصب ایتدیلر
 درویش نهاد زاهد و عاجز بر ذات ایدی خیومه ده
 اوتوردی اورکنج آمنک اولادینده قالدی

قرنداشی ایش محمد سلطان بن بو جغا که ابو الغازی
 آئی فاسق و جسور دیو ذم ایدر ایکی کره اور کنجه
 یوری یوب اولاد آمنک ایله محاربهلر ایتدی
 اوچنجی کره بغتة کلوب اور کنجه ضبط ایلدی
 سلاطین سائر هپ وزیر طوبلان دیلر خراسان دن
 اوانش اوغللری و نسادن علی سلطان بن اوانش
 کلوب وزیرده بونلره النحاق ایتدیلر اور کنجه ایله
 وزیر آراسنده محاربات متمد اولدی نهایت وزیر
 عسکری اور کنجه صاروب درت آی محاصره دن
 صکره آلدیلر و ایش سلطانی کندی نوکر لرندن
 بری بر کچمشه مبنی انتقام ایچون اوردی دوست
 محمدی خیره دن کتیردوب اولدیر دیلر
 حاجم سلطانی خان یاپدیلر علی سلطانه اور کنجه
 کاتی و هزار اسبی ویردیلر علی سلطان اور کنجه ده
 قشلا یوب یاز کلدکه قزیلباش علیهنه ترکمانلره
 یاردم ایدردی استرآبادی و خراسانی قاپچکره

اوردی فی ۹۶۵ بدرخان قومانداسیله استرابادده
اوزرینه کلان طهماسب اوردوسی قنا بوزوب
بتون قزلباشلری قتل ایلش اولدیغی شرفنامه ده
مسطوردر فی ۹۷۶ فوت اولدی .

۱۱ حاجم خان جالوسی فی ۹۶۹ اولوقت
۳۹ یاشنده ایدی حاجم حاجی محمددر اوز بکلر
مرکب اسمی نحت ایدرلر مثلا ابوالحمد خان
(بن دین خان) ابوالخان نور محمد بن ابوالخانه
نورم خان خوانه محمد خانه خوجم دیرلر .

دولت شیدکیه دن مشهور و معروف عبدالله خان
بن اسکندر خان بن جان بک سلطان بن خوجم خان
بن ابوالخیر خان بونک وقتنده خوارزمی فتح ایلدی
خانات شیدکیه دن سلاطین عثمانیه ایله قزلباش
علیهنه تدافعی و تجاوزی انفاق ایدن بر ذات ده

ایشته بو عبدالله خان در اوزبککار بیتمده فتوحات
عظیمه ایله معروف در .

فی ۹۸۴ عبدالله خان ماورای نهرک بعض
بلادنده استقلال کسب ایدوب فتوحاته باشلامش
اولدینی شرفنامه دن اکلاشیلور حتی اونارینجده
زاوه بی فتح وقزیلباشلره قتل عام ایلدی و تربتی
۲۰ کون محاصره ایتدیسه ده یاننده اولان
سلاطین اوزبکیه آره لرینه اختلاف دوشدیکندن
رجعته مجبور اولدی لیکن اصل شانلی وقتی
۹۹۰ دن صکره در .

فی ۹۹۳ عبدالله خان جیحونی کچوب
بدخشان دن بلخه قدر فتح ایلدی اورالرده
۲۳۰ سال قدر حکومت ایتمش اولان دولت
کورکایه بی محوایلدی .

فی ۹۹۵ عثمانلی طرفندن فرهاد پاشا
قاره اغ بلادینی واوته طرفندن ده عبدالله خان

خراسانی استیلاء ایلدیلر .

۹۹۶ عبدالله خان تکرار خراسانه
هجوم ایدوب قزیلباشلره قتل عام ایلدی وینه
بو ییل اوغلی سلطان نصرالدین عبدالمؤمن
ایله برابر هراتی فتح ایتدی بووقه دن صکره
عجم شاهی عثمانلی ایله اوزبك آره سنده قزیلباشك
ازیلوب محمو اوله جغنی اکلادیغندن عثمانلیله
عقد مصالحه حمله نی طوتدی بردها دائره
دو قی دن چیقما یه جغنی عهد ایدرک و برادر زاده سی
حیدر میرزایی استانبوله رهن ویره ک بو طرف
غائله سندن قور تلمق استدی وفی ۹۹۸ بو وجهله
نائل مرام اولدی .

۹۹۷ عبدالمؤمن مشهدی فتح و قزیلباشلری
قتل ایلدی و مرکز حکومتی باخده تأسیس ایتدی
فی ۹۹۸ عبدالله خان خراسان قزیلباشلرینه
بردها قتل عام ایلدی لکن چه فائده که ایش

ایشـدن کچدی بروطرفدن عثمانلی عجله
عقد مصالحه ایلدی وعبدالله خاندن دخی
اورکمه باشلادی .

فی ۹۹۹ باقی خراسانی آملق ایچون ماورای
نهردن حرکت ایدوب آلتی ماه ظرفنده نيسابور
سبزوار اسفراین محولات تون جناباد قاین طبس
فره سیستان و هرات شهرلرینی حیطة تصرفه
ادخال ایتدی .

ظن ایدرز که اکبر سلطان مراد ثالث
عبدالله خان ایله عقد ایتدیکی تجاوزی معاهده سنده
ثابت اولمش اولایدی یعنی فرهاد پاشاک
کوته بین پوایتیقه سنه آلدانمایدی اشبو تاریخده
بتون قزلباشلری اورته دن قالدیر مق میسر ایدی
شووقته شیعی بولمزدی وبوکون خیوه سنیلرینک
علیهنه کیدن رویه دواتی عجم متفقنی بوله مازدی .
عبدالله خانک سلطان مراد ثالث ۹۹۵ تاریخلی

بر مکتوبی وار بونک مالی کندی جلوسنی بعد الاشعار
 قزیلباش اوزرینه حمله ایچون وقت فرصت اولدیغی
 بیان ایدر بو مکتوبی سفیر مخصوص ایله
 کوندرمش .

وفی ۹۹۷ بر سفیر دها کوندرمش سهده
 اولوقت عجمه مصالحه تقرر اتمکده و عبدالله
 خاںک ترقیسی چکیله مامکده بولنش اولدیغندن
 بو سفیر ثانی اولکی قدر مظهر التفات اولماش .

آرتق بر مهم وقعنه کدهم عبدالله خان
 ۱۰۰۳ ۱۲ ربیع الاول تاریخی بر مکتوب ایله
 بر سفیر دخی کوندروب هدایا تقدیم ایامش
 هدایایسی بر مصحف شریف و بر قصه خمسه
 نظامی و بر شاهنامه و سمور و قائم کورکلی
 بخارا مشینی .

عبدالله خان بو مکتوبنده حاجی خانه غلبه
وخیوه اوزبک کرینی تأدیب ایلدیکنی بیان ايله
عرض خدمت ایدیور .

عجباً بو خدمت نه در !

ماورای نهر خانی عبداللهك خيوه بی فتحله
جزا ایلیمسندن استنبول دولتنه نه فائده عائد اولمش .
اشته بونی بیانه دائر بر مسئله بزم تاریخلرده
کورده مدم .

فقط خيوه خانی ابوالغازی کتابنده
بوکا دائر بعض معلومات ویریور .

ابوالغازی خان عبدالله خاںك خيوه یه کلیشنه برقاج
سبب بیان ایدر برنجی سببی شویله یازار :

دسبب اولکیم عبدالله خان نینک اوازه سی ایشتب
روم پادشاهی پیاله پاشا تینکائی ایچی قلیب
یباریب تی من بو طرفدین بولاین عبدالله خان
اولطرف دین بولسین تی شیخ اوغلنی اوزیریدین

کوتورالی تیب عبدالله خان پیهاله پاشایی
 یخشی سیلاب قایدردی کیلکاندا هندستان
 یولی برلان اوچ یلدا کیلتی پیهاله پاشاله ایتور
 موندین اورکنج باراین اندن ترکمانه باروب کیمکا
 اولتوروب شراون بارسام اسطنبیل بو یولدین
 تورت آی لق یول تورور تیب اورکنج کیلدی
 حاجی محمد خانینک اوغلی محمد ابراهیم سلطان
 بارجه مالنی آلدی رومغه یتکودیک خرجی بردی
 تقی مغشلاق غه یباردی شروان کیمه سنه سالیب
 یباردی عبدالله خان مونی ایشتب یمان آغریدی .
 بو حکایه دن آ کلاشیلدی که (۱) سلطان
 مراد ثالث عبدالله خانه ایلیچی کوندروب سن
 اوطرفدن بن بو طرفدن اورملم شیخ اوغلوئی
 (یعنی شیخ صفی اوغلی که مراد دولت صفویه در)
 اورطه دن قالدیرالم دیو معاهده یامیش
 (۲) عبدالله خانه مراد ثالث دن کلان ایلیچی

پیاله پاشا ایتمش هند طربقیله اوچ ییل ده
 واصل اولمش (۳) بو ایلمچی عبدالله خان
 طرفدن عزت و احترام ایله قبول اولندقدن صکره
 عودتده ینه برقاچ ییل هند سفرینی اختیاردن ایسه
 خوارزم دن ترکمان ایچنه کچوب بحر خزر ساحل
 شرقیسنده منغشلاق دن شروان سفینه سنه را آبا
 اوته طرفه ممالک عثمانیه یه کچمسنی اختیار ایتمش
 و بو طریقله استانبوله درت آیده واره جفنی حساب
 ایلمش (۴) اورکنجه و سولنده محمد ابراهیم سلطان
 بن حاجم خان آنک بالجه مانی الندن آلوب فقط
 خرج راهنه یتیشه جک قدرشی براقه رق منغشلاقه
 ارسال و اورادن شروان کمیننه ارکاب ایتمش ،
 (۱) عبدالله خان متفی اولان عثمانی سفیرینی
 خیوه لیلر صوید قلیچون (ودها دیکر سبلره مبنی)
 خوارزم اوزرینه حرب آچمش اولاد سلاطینه
 جزاء ایتمش .

آکلاشیلدی که مذکور ۱۰۰۳ تاریخ-لی نامه
شوقه اوزرینه .

عبدالله خان خوارزم اوزرینه اوچ کره کلدی
برنجی ده اهالی مقاومت ایتدیلر یکی آریق دن
رجت ایلدی ایکنجی ده فی ۱۰۰۱ اورکنج
اهالیسی تسلیم اولدیلر.

عبدالله خان خوارزمی استیلاء ایدوب اوتوز
ایکی نفر شهزادگانی قتل ایلدی حاجم خان
اوغوللریله و پولاد سلطان اولادیه نیچه بیک
زحمت چکدک قاجه بیلدی عبدالله خان هپ
بلادی آلدی خراسان اوزرندن یالکمز درون
حاجم خان ده قالدی اولاد آمنک اوچ ییل
درونده اوتور دقده صکره خوارزم اوزرینه کلوب
ضبط ایتدیلر عبدالله خان ایشتدکه

اوچنجی کره اوله رق کلوب استیلاء وضبط ایلدی
 بوندن صکره حاجم خا اولادی ونیره لری ایله
 عجمه شاه عباسه التجاء ایدوب عبدالله خانك وفاتنه
 قدر اوراده قالدی حاجم خانك اوچنجی اوغلی
 سیونج قزیلباش ایچنده اوتورماغی اختیار ایتیموب
 ایکی اوغلیله برابر دولت عثمانیه به التجاء ایلدی
 فی ۱۰۰۷ خوارزم ده غائله قالماینجه مودت ایتدی.

مذکور عبدالله خانی شیبانیه اوزبکلری
 کندی ذریترندن عد ایدر لر خیره اوزبکلری
 یادگار اولادندن صایار لر دیر لر که شاه بخت
 بور که بن یادکاری قتل ایتدیکی وقت بر که نک
 زوجہ سی قوجاش میرزا نک قیزی بور که دن
 ایکی آیلق کبه ایدی شاه بختک عمو جہ سی
 خوجم سلطان بن ابوالخیر خان انکله تزوج ایتدی

یدی ماه صکره براوغلان طوغدی آدینی جانبك
 قودی آلك اوغلی اسکندر خان و آنك اوغلی مذکور
 عبدالله خان در بو صورتله عبدالله خاك جدی
 بوركه نك اوغلی در ابوالغازی دیر كه « بزینك
 آق سقالاریمز ایتورلار ایردیلار عبدالله خان
 اولوغ اتاسی بركه نك قانینی « وینه دیرلر كه عبدالله
 خان خوارزم سلطانیلرندن مروه حاكمی دین محمد بن
 اوانشك کریمه سنی آلدی اوغلی عبدالمؤمن
 خان بوقیزدن كلدی ابوالغازی به كوره
 عبدالله خان فی ۱۰۰۶ فوت اولدی عبدالمؤمن دخی
 آردی صره قتل اولدی عبدالله خان نیلی
 عبدالمؤمن قتلیله منقطع اولدی بوندن صکره
 بخاراباتو خان نسلندن اژدرخان اولادینه دوشدی
 وفی ۱۲۰۱ تکرار اوز بکلیه کچدی .
 حاجم خارفی ۱۰۰۶ عبدالله خان وفاتندن صکره
 کلوب خوارزمده اوتوردی نورم خان بن ابوالخان

بن دین محمد خان دخی مقدما کنزی الیله عبدالله
خانه ویرمش اولدینی مروہی کتدی تکرار
ضبط ایتدی حاجم خان فی ۱۰۱۱ فوت اولدی.

خاطره

سلطان سلیمانک اوزبکلر ۹۶۳ تاریخلی
بر مکتوبی دهاواردیو یوقاروده بر اشارت ایتمشیدک
(صحیفه ۷۶) بورساله نک یاشنده مرسل الیهک
اسمی « وزیر حاجم خان بن اغا طای » در
صورت مکتوب فریدون منش بآسک ذیلندده
۴۹ نومرولی مقیداشته بونامه یی مورخلر شیدکیه دن
براق خان وزیر حاجم خان بن اغا طایه ظن ایدیورلر
بزه قالورسه مرسل الیه حاجم خان بن اغا طای
شو ذکر ایتدیکمز خیوه خانی حاجم خان بن اغا طای در
پوکا کوره سلطان سلیمانک خیوه لپارله معارفه سی

و مخاربه سی ثابت اولور مکتوبك ناریخی
 ۹۶۳ اولماسی ظنمه طوقنمازیر یوا حاجم اولوقت
 اوتوز اوج اوتوز درت یاشنده اولوب خراسان ده
 باغ آباد حاکمی ایدی .

« وزیر » دن مراد بلکه خوارزم ده وزیر شهریدر
 یدمده نامه نك صورتی بولتمان یغندن ده ها زیاده
 تفصیل ایده مم .

۱۲ عرب محمد خان بن حاجم خان جلوسی
 فی ۱۰۱۱ زواللی نك اون طقوز ییل خانلغی
 خاللق دعواسیله ماورای نهر دن هج وم ایدن
 خسرو سلطان (ایلبارص ذریتندن) و صکره
 صالح سلطان (حسن قولی بن ابوبك اولادندن)
 غائله لریله وروس و قالموق استیلا لرینه قارشو
 محاربات ایله کچری عاقبت اوغوللارندن

جبش وایلبارص قیام ایدوب غوغاده عرب محمدی
 طوتدیلر ابتدا کوزلرینی اویوب حبسیله اکتفاء
 ایتدیلر سده مؤخرآ اوچ قاریسی وایکی کوچک
 چوجقلریله برابر فی ۱۰۳۰ اولدیردیلر بونلرک
 قرنداشلری اسفندیار خان عجمه شاه عباس
 قاجدی و ابوالغازی و شریف محمد خانلر
 بخارایه قاجدیلر ایکی پیل اختلال داخلی
 ۱۳ اسفندیار خان بن عرب محمد خان جلوسی ۱۰۳۲
 اسفندیار خان شاه عباس دن ۳۰۰ عسکر
 و تکه وسایر ترکمانلرندن ویموت دن براز خلق آلوب
 قرنداشلرندن باباسنک قانی آلمغه یوریدی و غلبه
 ایدوب جبشی وایلبارصی اولدیردی بونک وقتنده
 خانات ترکستانده ایشم خان و طاشکندده
 طورسون خان و بخاراده امام قولی خان ایدی.
 ۱۴ ابوالغازی بهادر خان بن عرب محمد خان
 اوشال کتانبک صاحبی ابوالغازی که کندی

ترجمه حافی تفصیلاً یازمش و ناقص برافندی یردن
 او غلو اکمال ایش در کندی بیانہ کوره
 دنیا یہ کلہ جکی تاریخ دہ پدری عرب محمد خان
 اور کنجی باصان روسیہ لولرلہ حرب ایدوب غازی
 اولدیغندن طوغدینی کبی ابوالغازی تسمیہ ایش
 بوبیانندن آکلاشیلان ابن الغازی اولہ جحق
 فقط کتابنک مطبوع نسخہ سنده ابوالغازی باصلمش
 و او یلہ دہ شہرت بولمش بزده او یلہ یازدق فی ۱۵
 ربیع الاول ۱۰۱۴ دنیا یہ کلش وفی ۱۰۵۴ قرنداشی
 اسفندیار وفاتیلہ یرینہ خار اولمش فقط خ نلغی آرال
 کنارینی کچمدی اوزبک طرفنی طتوب ترکمانلرک
 علیہندہ بولندیغندن مالکانہ لری وبتون خوارزم
 حاصلاتنی ترکمان بکلری ضبط استدیلمر وخطبہ یی
 بخارا خانی نذیر محمد خان نامنہ اوقیوب اشرف
 سلطانی (ابن اسفندیار خان بن عرب محمد خان)
 خان طانیدیلمر لکن براز وقت صکرہ نذیر خان

قاسم سلطان بن خسرو سلطانی خیویه اجلاس
 ابتدی ومؤخرآنی یانہ آلدیروب یعقوب نام
 برامیری چوق خلق ایله خوارزمه والی تعیین ابتدی
 القصه نذیر محمد خان طور دقچه ابوالغازی
 هر نه قدر فداکارانه محابلهر ایتدیه ده خیویه
 مالک اوله مادی .

فی ۱۰۵۶ بخارا امراسی نذیر خانی عزل ایله
 یرینه بیوک اوغلی عبدالعزیز خانی نصب ایتدکلرنده
 خیوه والیسی امانه سز قالوب ابوالغازی یه مقامت
 ایده مدی قاچدی اشته اونا یخیده ابوالغازینک
 خیوه خانلغی تقرر ایتدی بوتاریخه قدر بخارا
 خانلرندن اوچ خان (عبید و عبدالله و نذیر محمد)
 خیوه یی فتح و براز مدت اداره ایتدیلر .

بوندن صکره خیوه خانلری بخارایه غلبه
 کوسه تردیلر ابوالغازی داخلی و اطرافنی
 احاطه ایدن ترکمانلری و قالموقلری تحت اطاعته

آلدقن صکره بخارا اوزرینه هجوملره باشلادی
 بدأ هجومه سبحان قولى سبب اولدی شویله که
 بخارا خانى عبدالعزیز ثانی کندی قرنداشی
 بلخ خانى سبحان قولى نك مملکتی قصد ایلدکه
 سبحان قولى ابوالغازی دن استمداد ایلدی
 سبحان قولى ابوالغازینک قرنداشی شریف
 محمد خانک قیزی طوتدیغندن یینلرنده قرابت
 وعلاقه وارایدی ابوالغازی امداد بهانه سیله
 مقدا خوارزمده قان دوکن بخارا ایلردن انتقام
 قصد ایدوب آتلاندی بخارا اطرافنی چارپوب
 خیویه عودت ایتدی ایرتسی سنه ینه کیدوب
 عبدالعزیزک مقاومت ایدن اردوسنی بوزدی
 وقاره کول قلعه سنی فتح واهالینى اسیر ایلوب
 عودت ایتدی ده ایرتسی ییل چارجوی
 ده ایرتسی یاجی یی اوردی سال آتی
 کریمه یی باصدیغنده عبدالعزیز خانک

۶۰۰۰۰ نفر دن مرکب اردوسنی منهزم قیلدی

ابوالغازی ۲۳ ییل خانلق ایدوب فی ۱۰۷۴

فوت اولدی

۱۵ انوشه بهادر خان بن ابوالغازی خان پدری

حیاتنده مقامنه اجلاس ایتدی

۱۶ محمد بهادر آرانغ خان بن انوشه فی ۱۱۰۶

محمد بهادر خان دولت عثمانیه ایله مستقیماً مخبره

تأسیس ایتدی و روسیه ایله اختلاط و تجارت

عقد ایلدی صدر اعظم مصطفی پاشا طرفندن

مشارالیه یازیلان مکتوبك صورتی رامی انشاسنده

مقیددر داماد ابراهیم پاشانك صدارتنده

فی ۱۱۲۳ استانبوله ایکی سفیری کلدی

فی ۱۱۲۶ روسیه دولته برایلچی کوندروب

عقد مودت ایلدی لیکن ایکی اوچ سنه کچدی

کچمدی روس عسگری بکوچ ایله خیوه طبراغنه

ایاق باصدی ایرتسی ۱۱۳۰ تکرار مرقوم

بکویچ که صحیح اسمی دولتکرای در ۳۰۰۰ مسکو
عسکر به کلدی شدتلی محاربه لردن صکره کندی
وبالجه عسکری هلاک اولدی

دلی پترو خیوه اوزرینه بوعسکری نیچون
کوندردی

روسیه لی مورخلر یازیورلرکه جیحون
قوملرنده توز آلتون بولنورمش طوپلاتمغه
کوندرمش نه تحف وکولنه جک شی

بعضیلری ده یازیورلرکه جیحون چایی بحر خزره
آقارکن خیوه لیلر سد چکوب چایک یتاغنی آرال
کولنه دوندرمشلر روسیه دولتی بوعسکری اشته
اوسدلری سوکدیروبدنه نهری اسکی آقندیسنه
چوبرمک ایچون کوندرمش فی الواقع
خیوه خانی ابوالغازی جیحونک بحر خزره آقارکن
فی ۹۸۴ آراهه دوندیکی ذکر ایدیور وبعض
عالم سیاحلر نه رک بحر خزره اسکی مجراسنی بولدیلر

لیکن قنغی عقل کسر که او یله دریاجی برچایی
 خیوه لیلر مجراسندن دوندیره بیلسونلر
 شو یازدقلری سبیلر هپ اکاذیب موهومه در
 دلی پترونک عسکر کوندیشی خیوه بی عادت استیلاء
 ایتک ایچون ایدی

کله لم دولتکرایک کیفیت هلاکنه
 مور او یف کی جنرالر بو عصرده یازیورلر که
 خیوه لیلر آنی دیری دیری یوزمشلرده در یسنی
 طبله کر مشلر

بز بوروایتی کتابک باشنده بلا اعتراض تسایم
 ایدیورهرک جواب ویردک لکن برکرده اصلنی
 آره یه لم باقه لم صحیح می

طالبایس هر ودو ط اوزرینه حاشیه سنده
 بکوچ قصه سنی نقل ایدیور فقط او ایدیر دیلر
 دیور یوزمکه کر مکه دائر ه ج ر اشارت یوق
 بوندن بشقه المانیالولرک ابوالغازی ترجمه سنده

لیدده مطبوع فی ۱۷۲۶ میلادی) دخی بوقصه
فی التفصیل یازلمش بکوچی وعسکرینی ترکانلر
ولدردی دیوراشته اوقدر اکر یوزمک
قعه سی صحیح اولایدی کیفیتی وقوعنه قریب
نه لرده یازانلره خفی می قالوردی

جیحونک آرال کولنه آقدیغنی بوندن طقوز
ون عصر اقدم بیان ایدن مسعودی ایله فی ۹۸۴
زاله دوندیکنی یازان خیوه خانک قوللرینی
طریق بختنه کلنجسه بوخیوه کتابی اوزرینه
خریطه یامق نیتده اولدیغمن آنده نهایت
کلابه بیلدی می کوستیرم

۱۷ احمدیک خان

۱۸ محمدامین بن احمدیک

۱۹ عوض بن محمدامین

بونرک و قتلرنده اختلالات داخلیه دن بشقه

شی یوق

۲۰ التجرب بن عوض

مدت حکومتی برسنه فقط شوربرسنه ده اختلالات
داخلیه بی باصدیردی اوزبك شعب مختلفه سنی
جبرا وقهرا اتحاد ایتدیروب خان مطلق اولدی
وبخارا اوزرینه عسکر چکدی جیحونی
چکرکن بوغولدی بوندن صکره برازنه اختلال
سوردی

۲۱ محمد رحیم بن عوض

فی ۱۲۷ جلوس ایتدی قیرغیزلری ویرکویه
باغلادی قیرغیز خانلری بونک طرفدن نصب
اولنور اولدیلر.

رحیم خانه کاجبه دک خیره حکومتده بض
تبدلات اولمش ایکن تفصیلنه واقف دکام شوقدرکه
کچن اختلالات داخلیه آره سنده مغلوب اولان
رؤساء جیحون و آرال شرقیسنده ساکن قازاقالپاق
سلطانلرندن استمداد ایدرلردی ینه بروقهده

امداد نامیه کلان سلاطین قیر غیزرن نور علی
 ۱۱۵۳ سنه سی خیه خانلغی ضبط ایدر اوتورر
 یوقیرغیزلر شوناریخرن سگیز طقوز سال اقدم
 روسیه اداره سنه کچمش اولدقلرندن مرقوم
 نور علی خیه خانلغی ضبط ایدنجه روسیه ولته
 تبعیتنی بالاً کید عرض ایلر و خیه حکومتی
 روسیه تابع بر امارت هیئته قومق استر بر مدت
 صکره مرقومی قاره قاپاقلر کندیلرینه سلطان
 انتخاب ایتدکلرندن اسکی محله عودت ایدر
 تحف شی الیوم قیر غیز سلطانانی منکلو بن
 پیر علی روسیه چارینه برنامه یازوب کندیلی
 نور علی اولادندن اولدیغنه مبنی خیه و خانلغی
 استدعاء ایلدی و بر کره خان یاپیلورسه انگلیزی
 هنددن قوغه جغنی وعد ایتدی
 تحفلقدن بری ده شوکه مسقوه غزته سی بوکونلرده
 خوه اوزرینه یازدینی بر بنده شویله دییور

« روسیه خیه یی فتح ایتمک استیوردیو طعن ایدیورلر
 حاله وکه خیه و آروجه بردولت دکل در
 ۱۷۴۰ میلادی قیرغیز رئیس خیه خانی اولدقده

خیه یی روسیه دن برامارت یاپدی »
 محمد رحیمک خالغنده مذکور قیرغیز سلطانلری
 خیه حمایه نه کیردیلر مزبور غزته بوراسنی
 هیچ سویلیور فی ۱۲۳۶ خراسان کردلری
 ایایچی کوندروب حمایه سنی طلب ایتدیلر

محمد رحیم سلطان محمود ایله نامه اشدی فی ۱۲۳۵
 سلطان محمود خیه خانیه برطوپچی اوستایله برمنجم
 کوندردی طوپچی کلنجهیه قدر محمد رحیمک
 تأسیس ایتدیکی طوپخانه ده مقولرک دوکدکلری
 طوپلر هر نصله بردرلو طیانمازدی تجربه ایچون
 آتیلورکن طاغیلوردی استانبوللی طوپچی
 اوستادیدرکه خیه طوپخانه سنی یوانه قودی
 طوپلر دوکدی اوستادلر یتشدیردی منجم افندی

هیتدن خلی شی بیلوردی خسوف و کسوف
 حسابی خیومه ده برنجی کره تعایم ایدن اوزات ایدی
 حالیا اوز بک طلبه لریک بر تحته او-تنده
 مخطوط طقوز حسابیه خسوف و کسوف بولمالری
 آنک آنارندن در

نظام جدید در خیوه

محمد-رحیم رو یه ده دلی پتروک و مؤخر
 ستاسبول ده سلطان محمودک عمل ایتدی
 لاخیر فی کثرة لرؤاء «قاعده سنجہ اعیان متغلبه بی
 تون قیروب هر شهره کندی استقلالنی تصدیق
 تیریدی بده حاکمیت و محکومیت قاعده سنی
 وایتدی یعنی فاتحان اوز بکلر خدمت حکومتی
 عسرا اللربنه المشلر دیگر قوملر خدمته حصه دار
 اله مازلردی بوقاعده بی ابطال ایتدی و بولغوی

بالفعل اجراء ایچون بر وزیرینی سارتن
 دیکرینی اوزبک دن اوچنجی وزیری عجمدن
 و سرعسکرینی ترکان دن و مابینجیسی مسلمان
 اولمش بر سقودن (ا-می تکاری قولی قونمش ایدی)
 نصب ایلدی

خیوه بی مرکز حکومت اتحاد ایدوب مجلس
 ا-کام تشکیل ایتدی بو مجلس هر جمعه عقد اولنور
 مجلسده موظف اعضاء مهتر اغا برنجی وزیر
 (خان بولندادینی وقت قائمقاملق ایدر)
 قوش بکی ایکنجی وزیر محرم اوچنجی
 برده دردنجی وزیر بووزرانک کتبه ی دیوان بکی
 تسمیه اولنور معیت امور لرینک عنوانی میرزا
 خانک اقرابی مثلا قرداشلری مجلسده اعضاءدرلر
 قضی و قبائل اربعه منتخبلری درت ذات دخی
 اعضای موظفدن

اعضای موقتہ خانک تسمیه و نصب

ایده جی مقر بلردر که بر عددده محصور دکل
 بو مجلسك ا-می « کورینش خانه »
 خیودن بش-قه شهر لرده قصبه لرده مدیرلك
 « آتالق » یدنده در

قوة اجرایشه خانك لنده اولوب معیتند. اجراء
 مأموری واردر « یساجچی باشی » تسمیه اولور
 ضبطیه « یساوول » دیرلر یساوول س-لاح
 طاشماز لنده اوجی باقر قاپلو دكنك واردر
 هر شهر هر قصبه هر قیله کندی حریت
 و اختیار یله بر وکیل تعیین ایدر که « آق صقال »
 دیرلر تکالیفی اشخاصك قدرتنه کوره توزیع
 و جمع ایدن و اوامر حکومتی تبلیغ ایلدیان ق
 صقاللردر ضربخانه و باروتخانه و طوبخانه تأسیس
 ایتدی موظف عسکر تشکیل ایلدی

محمد رحیم خان روسیه ایله و بخارا ایله تجارتی
 توسیع ایلدی و خیوه ده اصلاحات منویه سنی

اجرادن صکره گویا استرآباد اوزرندن عجمستانی
 اورمق نامیه اوتوزبیک عسکر و اوتوز طوپ
 قالدیروب بحر خزر سواحله دوشدی اورالرده
 یول کسان ترکمانلری اوردی خیوه ایله بحر خزر
 ارسنده کندینه مخالفت ایده جک کیمسه بر قاری
 هدی خیوه اتفاقه آلدی جیحون جهت شرقیه سنده
 قاره قاپاقلره دخی بویله یادی روسیه دخی
 ایاجی قبول ایتدی و کندی دخی ایلمچیلر کوندردی
 لیکن بالاخره روسیه چاری بحر خزرک جهت
 شرقیه سنده روس اسکا ایتمه مساعده طلب
 ایلدکه رد ایله جراب ویردی و طینادی
 بوزده فقط ایکی بچق کمرک وضع ایلدی
 افغان ایله بیوک دوستلق ایتدی

۲۲ رحمن قولی خان ابن محمد رحیم خان بغایت
 شجیع و مدبر ظهور ایتدی بولک وقتنده خیو
 بیودی روسیه ک سبوق ایتدیکی اون ایکی بیک

عسکر بوزلدى قيرلدى

۲۳ محمد امين خان بونك عالمينده عجم روسيه ايله
 اتفاق ايتدى روسيه دولته دوت دفعه سفيرلر
 كوندروب صلح و اسائش ده دوام اولماسنى رجاء
 ايلديسه ده روسيه نك حرص استيلاسنه اصلا تاثير
 ايتدى عاقبت ۱۲۶۹ آخرنده روسيه اعلان حرب
 ايدوب فى سنه ۱۲۷۰ عسكرى خيوه يه كلدى
 و جبرا معاهده مضره امضالاندى ۱۲۷۲ عجم
 خيوه علينده محاربه ده اصرار ايله دوام
 ايتدى خانى كرياس نام محله كندى تركمانلرندن
 برى خيانت ايدوب خنجرله اوردى كله سنى
 حاليا شاه ناصرالدينه اسكى اصول اوزره
 تقديم ايتديلر عجم شعرا سندن سروش بى هوش
 بوبله برغز ايله جوش و خروش ايتدى اورتاغ
 شاه اسماعيل دورينك طورى و يرمك استديكندن مى در
 نه در شو كله فتوحاتنه بر قصيده ياپوب تقديم

ایلدی مطلبی شودر

مطالع

افسر خوارزمشه که سودبایوان

باسرش آمد درین مبارک ایوان

۲۴ محمد فیض خان

الیوم خان در قیمت و خصلتی باقه لم شمدی روسیه


استیلاسنه قارشو کوریله جک

دیمک که بوکونه دک خیهوده کلان ایلبارصیه

خانلری ۲۴ نفر در بخارا حا کملرندن خیهویه

جکومت ایدن عمید و عبدالله ونذیر ایل

جمعا ۲۷ نفر



سکه وزارت و صنعت و تجارت و مالیه

« سکه » ضربخانه تشکیل ایدن محمد رحیم
خان در بوندن اول خیره سکه سی اولدیفنی بیلمیورز
کرکنیج کبری خرابه سنده بولمنش خیلی سکه لر کورلدی
ایچلرنده هیچ اوزبک سکه سی یوق
اک قیمتی سکه طلا دیدکلری آلتون
۱۶ فرانق قیمتده در بزم آلتون رسمنده مدور
اولوب کوزل ضرب اولنشددر بر طرفنده
محمد رحیم یازیلو دیگر یوزنده سنه سی و محل
ضربی و دعا محرر بو خطک اطرافی نقطه لرله
بر دایره اولوب قیمت سکه به دایره رقم وار
بر طلا ۱۴ عباسی به منقسم در هر عباسی

بر فرانق ۱۴ سانتیم قیمتند عباسی خیره سکه سی
اولمایوب حساب پاره سی در

بر طلا خیره سکه سیله ۱۸ تنکه در

طلا آلتون و تنکه کموش عیارلری خالص در
خیره نك بر تنکه سی بزم ایکی لك کموش مجیدیه
رسمند فقط دها قالین هر تنکه ۴۰ قاره پوله
منقسم قاره پول باقر بزم باقر پاره قدر فقط
او قدر قالین که وزن جه قیمتی فرانسرک بر صوینه
مساوی

اجانب سکه لرندن خیره ده ایشیان
بخارانك پادشاه طلاسی در خیره آلتونندن
وزنده و قیمتده کوچك

فلمنك دوقه سی دخی کچر اکر قیر پیلما مشه
۱۰ عباسی یعنی ۲۰ تنکه

عجم کموشی دخی کچر بش بچق عجم ریالی
بر فلمنك دوقاسی دکر

لکن کیرن اجانب سکه لری همان ضربخانه یه
 طوپلانوب خیوه سکه سته تحویل ایدیلور
 خیوه لیلریهودی صراف کبی پاره دن ایو آکلارلر
 چاقوق حساب ایلرلر و زیوفی نقد ایدرلر
 خیوه او یله معمور که هیچ آنا خرابه کورنمز
 قریارلر چقتلکلر وقصرلر بر برینه یقین اولوب
 خالی یر یوق در اقلیمک و جیحون قنارلرینک
 اعانه لریله حاصلات ارضیه او یله بذل و برکت
 اوزره در که اوروپا ارضنده احتیاج مس ایدن
 ماکنه لره اوراده حاجت کورلمز

حبوباتدن چوق زرع اولان بغدادی چاودار
 سیسام سیسام یاغی چوق صرف اولنور همان
 عموما بو یاغ دن یاقلارلر آرپه و کنویر ایو اولماز
 آتلی چوغان ایله بسلرلر کؤک بو یا زراعت
 و تجارتی مهم در باغلری و یمش باغچهلری
 چوق مکمل اناطولی ده کشنش دینلان

قوری اوزومدن چوق اخراج ایدرلر بوندن بشقه
 صاحی دیرلر چکردکسنز بر قوری اوزوم
 دهاچیقارلر معتبردر الما وارمودک انوعی اولور
 بادم کراز ویشنه نار ودیگر بزده اولان میوه
 اغاجلری چوق یاقه جق اودون چوق اک چوق
 اغاج توت ایپک بوجکی ایچون بوندن صکره
 کثیر اولان اشجار سالقم سکود اعلا بر غموت اولور
 بیلدیکنز هپ سبزوات وار یالکنز لحنا یرالماسی
 شامخ یوق صوغان پک بیوک اولور الی الیوم
 خیوه قارپوزی ثعالی نک وقزونی نک مدح ایتدیکی
 کی در خیوه قارپوزینک جهانده مثلی بولنماز
 مأمون خلیفه یه و صکره وثقه اورادن قارپوز
 کوندریلوردی عباسیه وقتنده خیوه قارپوزینی
 قلایدن ظرف ایچنده قارایله محاط بغدادده
 کوندرلردی صا غلام واران قارپوز کبار
 سفره لرینه قونمقی ایچون ۷۰۰ درهم دکردي

دوه اينك قيون سوريلى چوق در هر شخصك
بر آتی وارد زكنينلرك متعدد

صنایع جه كندیلرینه لازم شیلر ایچون
دستگاهلری فابریقلری وار یرلی و بخرادن
اخراج ایتدكلری ایك دن و پاموق دن قاشلر
بزلر طوقورلر خیوه قادینلری خیاطت و تطریز
واویا کی ایكنه ایشلرنده بك ماهرلر دوه تویندن
كپك و یورغان و صوف دن احرام یاپارلر
یادقلری قوشاق و كمر بك كوزل و بك اعلا در
فن ابنیه ده خیوه ایلر بتون آسیاده مشهورلر
فقط جیچون كمالری ایکی آرشون قازلدقه
صو چیقدیغدن و بو جهته طاش بنایه تحمل
ایتمدیکدن ابنیه بی سكود اغاچندن انشاء ایدرلر
تیمورچی اوجاقلری فقط داخله كافیدر شیشه

اعمالی بیلمز لر خیووده اجانبك شیشه تجاری
 نافع در دکر منتری آت ایله دوندردر لر خیووده
 چوق صابون کارخانه لری وارددر خیووه صابونی
 نفاسی و او جوزانی ایله بتون آسیاده مقبول در
 کلیتو صابون اخراج اولنور

تجارت داخلیه بازار یرلرنده و پنایرلرده اولور
 هر شهرده اسبوعی ایکی بازار طورر خیووه
 بازار لری بازار ایرتسی و جمعه کونلری در بونلردن
 بشقه قنالر کنارلرنده دکانلی پنایرلر وارددر اطراف
 ترکمانلری و قاره قالپاقلری لواز می خیووه دن
 تدارك ایدر لر

تجارت خارجیجه، معاملات بخارا و روسیه
 ایله در خیووه دن بخارا دوه کاروانسه یدی
 کونلک در خیووه تجاری بخارا دن یرلی

و اجنبی مالی جانفس باصمه تیره ابریشم قطیفه
شال چینی چای و ماشین آلورلر

اموال تجارتك بورسہ سی کرکنج شهری در
اورادن روسیہ دہ عورانبورغہ و استراقانہ
اخراج ایدرلر خیوہ تجارینك روسیہ یولی
اوج بری قیرغیز چوللریلہ عورنبورغہ ۳۳ کون
سورر ایکنجی یول بحر خزرده منغشلاقہ ۹۲
کونلک اوچنجی یول بحر خزرده بلقان یولی
بوسفر ۱۷ کولک شوایکی ساحلدن سفائنہ
استراقانہ کیدرلر

خیوہ تجاری طریقك اوزون وقیصہ اولدیغہ
باقایوب آنجق کچہ جکلری یرلردہ کی ترکانلرک
امنیت و سلامت ویرہ جکلرینہ ویرمیه جکلرینہ
نظرایدرلر شمالی منغشلاق ترکانلری خیوہ لرلہ
دائما مصالحہ و مسالمت اوزرہ اولدقلرندن اکثریا
بو طریق ترجیح اولنور روسیہ کیلری وقت معین دہ

بوساحله کلوب ترکانلر واسطه سیله وصوللرینی
اعلان ایدرلر خبوه تجاری کلوب برچه وق
اموالی اوراده مبادله ایدرلر باقیسنی سفائنه
تحمیلا استراقانه حیقارلر

خیوه دن سنوی کاروانلرله اخراج اولنان
اموال تجارت ۲۰۰۹ دوه لك در روسیه دن
خیویه ادخالات اون اون ایکی صندوق اولور
فقط بوسندقلر بیوک انبارکی در

خیوه تجاری روسیه یه کتیردکلری اموالک
برازینی پاره ایله صانارلر وچرغنی انکلیز
چوخه سی قطیفه صرمه قلابدان
شکر ایکنه اوسط وره پیچاق دلبند
شیشه کی شیلرله مبادله ایدوب بونلری خیویه
و بخارایه ادخال ایدرلر

بعض تجار استراقانده ایشنی کوردکن صکره

اورادن نوفغوروده (قازان ایله مسقو آره سنده)
 تموز پنایرینه و بعضیسی مسقو پنایرینه کیدر
 کیمی نوفغوروددن عورنبورغه مال نقل ایدر
 بخاراده و روسیه ده مغازه آچش مقیم خیوه
 تجاری وادر استراقانده نوغای قیزبله
 تأمل ایتش واره فی تجار ایله اورتاق اولوب
 کیلان و استراباده مال دوکش خلی تجار وار
 بونلر استراقانده اون بش یکر می سنه قامت ایدوب
 زانکین اولدقین صکره (بزم علائیه لیلر کی)
 وطنلرینه عودت ایدرلر

استراقانده ارمنی تجارینک خیوه نیلره حیلله
 و خیانت ایده کلک لری مشهوردر
 مسقولر بطل حریفلر اولوب خیوه تجارتنه
 کتمزلر بعضا تجار نامیلله کیدن روسیه لیلر
 تجار اولمایوب جاسوس در بوجاسوسلرک
 خیوه ده کتم اسرار ایتملری محال قیلنمدن در

چونكه خيوه ده مسلمان اولمش و خان خدمته
 كيرمش چوق مسقو بولوب بولر روسلر ك لسان
 و حيله لرینی بیلدكلرندن جابق فاش ایدرلر
 فویه لرینی میدانہ چیقارلر

شیعی ایله سنی بیننده پك مبايئت بولنديغندن
 عجملر ك تجارت ایچون خيوه یه كتدكلری یوق در
 خيوه نك مستقل ترکانلر و مستبدل قاره قالپاقلر
 و قیرغیز قایساق ایله كینك قالی کالم سجاده و آت
 تجارتلری مهم در

قیرغیز قایساقلر ك آت پنایری یکی « کات »
 شهرنده در بوقیرغیز آتلی صغوغه صوسزلغه
 یوزغونلغه جرجا آتلی کی چ ق تحمل ایدرلر
 بوقیرغیزلر در که روسلری ایه یرایدوب کتیر
 خيوه ده صانارلر

« مالیه » اوراده مالیه یوق در بڑه

اسکی دن اولدینی کبی میریه اصولی در

خزینہ خان وارداتی شونلردن مرکب

۱ مطبخ ویرکوسی یعنی خانه ویرکوسی

۲ کمرک

۳ زکات

۴ کاروان رسمی

۵ مال غنیمت خمسی

۶ خانک جفتلکات واورمانلرینک وارداتی

۷ هرصنفدن خانه کلان هدایا

۸ عوارض

عسکرلکه کیدن اوتربکار وترکانلر ودخی عمله

وخدمتکاران وبالجمله مطبخ صاحبی اولمیان یعنی

باشلو باشنه خانه صاحبی اوایانلر برنجی قلم

ویرکودن معافلر بو مطبخ ویرکوسی خاتمک
 انتخاب ایتدیکی اختیار مجلسلری تقیم ایدرلر
 بناء علیه اک زنکین اولان اک چوق ویررخیوده
 زنکینه اک بیوک ویرکو ۵۰ فرانق قدر
 اک اشاغیسی ۱۲ فرانق طوتار

بو ویرکو سارتلر ایله قاره قاپاقلره دوشر
 مطبخ ویرکوسی ویرن بالجه سارت وقاره قاپاقلری
 اشاغی دن اشاغی ۱۰۰ بیک فرض ایدوب
 بر بر اوزرینه ۲۵ فرانق حساب ایلسهک بو قلم
 ۲ مایون ۵۰۰ بیک فرانق ایدر کمرك بیوک ایراددر
 بالجه وارداتک نصفی در بش ملیور فرانق قدر طوتیور
 زکات ترکمانلرک یالکز قیون اوله رق سفیان
 خانه ویردکاری زکاتدن معلومنز اولان شو وجهله در
 قیون وقوزی

۸۰۰۰ تکه سارق ویموت ترکمانلری
 ۱۶۰۰۰ ار ساری

(۱۲۳)

۱۶۰۰۰ خراسان سالوری

۳۶۰۰ حسن ایللی

۱۰۰۰۰ ایلدور و چاردور

۴۰۰۰ اوشاق ایللی

۴۴۰۰ آرابجی

۱۳۲۰۰ کوکلان

۱۳۲۰۰ اداقلی

۸۸۴۰۰

بونلردن بشقه چاقیرلی و جیحون کنارنده اوچ ایل
وتیوه جی (دیودجی که التی بیک خیمه دن زیاده در)
دخی زکات ویرلردی فقط مقدارینی بیلمیورز
شو ۸۸ بیک اوزرینه هپسنی یوز بیک حساب
ایتساک اورانک رایجیله برملیون فرانق قدرطوتار
دردنجی قلم کاروان رسمی که شهره کیرن
هر کار وان بایع اولسون مشتری اولسون کراجی
اولسون دوه باشنه یارم طلا رسم ویرر سنوی

اك اشاغى ۵۰ بيك دوه داخل اولايور ۴۰۰ بيك
فرانق ايدر

خانك چفتا-كآتى واورمانلرى كه اجدادنندن قلا
ومصادر ه ايدىلان املاك در بو چفتا-كلرده حاصلات
بغداى چاودار پرنج قونجو (سيسام) كوك بوي
چوغان ابيك پاموق وسبزووات وميوه در
حيوانات دخی بسلنور

اكثر قلالر خانلغك در خيلى واردات كتير
« عوارض » ديدكلرى هنىكام محاربه ده ويا بر آفت
ظهورنده فوق العاده طوپلانى اعانه اولديغندن
بو قلم واردات مقتنه دن دكل در
بو تحرى اوزرينه خيوه وارداتنى شو قدر تخمين
ايدة بيلورز

فرانق

۲۵۰۰۰۰۰ مطبخ ويركوسى

۵۰۰۰۰۰۰ كمرك

۱۰۰۰ ۰۰۰ تركمان ترك زكاتلىرى

۴۰۰ ۰۰۰ كاروان رسومى

۲۱۰۰ ۰۰۰ چفتلىكت و او مانلر و قنالرو خمس

وهدايا

۱۱ ۰۰۰ ۰۰۰

قوة حربه

خيوه چول اورطه سنده واحات اولديغندن
موقعجه استحکامات طبعيه سى چوللردر خارجدن
بر دشمنك بو چوللرى كچوب خيوه يه هجومى
بك كوچ در موقعى بوبله اولديغندن آسياده راحت
ويرميه ان عشيرتله هپ بورايه دو كيلوب النجاء ايدرلر
بناء عليه خيوه نفوسى كون كون ترايد ايتكمده در
خيوه نك هر قصه سى هر كويى هر چفتلىكى
حصارلى در هر حصارك مازغاللى مـارسلى

و قله لری وارد و حصار ایچنده مغازه لر دکر منلر
 و سیدسام یاغی ایچون منکنه و مهمات موجود
 اولوب ایکی ارچیوز آتلی مجاهدی خلی وقت بسلر
 بو حصارلرک انشاسی روسیهیه مقاومت ایچون
 اولم ایوب محمد رحیم خاندن اقدم قبائل بینده
 اتفاق اولمادیغی جهته باصغین قورقوسندن و حین
 انهزامده ملجأ اتخاذهندن نشئت ایتمشدرهپ حصارلر
 مربع اولوب دیوارلرینک قالینلیغی دیندن ۴
 و دپه دن یارم آرشوند و ارتفاعی ۱۲ ذراع
 بو دیوارلر طاش قاریش-ق طوپراقدن بناء
 اولمشدرهپ دیوارلرک چوره سی خارجدن طوپراق
 طباقلرایله تقویت اولمشدر فقط مازغالر دیوارلرک
 و قله لرک دپه لرند اولوب تفنک آتمق ایچون
 آیلق دوشه مه لری یوق بیلیم که حین مقاومت ده
 نردبان می قورارلر نه یاپارلر هر دیوارک طولی

۷۵ دن ۱۲۰ آرشونه قدر

هر حصارك هر گوشه سنده قلهسی وار هپ

قله لك دپه لری قبه مسی در

یوقاروده اشارت ایتدیکمز وجهله بو حصارلر
آتلو حیدودلره قارشو یاپیش اولوب روسیه نك
نظام عسکرینه طیانهماز مع مافیه ایشه یارار
زیرا اطرافه چابق خمدقلر قازیلوب متارسه
ایلوق دوشه مه لری یاپیله رق خیلی مقامت ایدر برده
تحصن ایدن آتلولر کیجه لری خروج ایله محاصرینه
شدتلی باصغینلر یاپه بیلورلر

خیوه کرکنج کات سواد کورلیان
شهرلری حصارلری درلر دیوارلرینه نك قالدنی
دیه دن ۷ ارتفاعی ۸ ذراع بونلر کل ایله
قاریشق تر ابدن مبنی طپراق طباق تعبیه لری
داخلدن قله لری واردر حصارك خارجدن
استحکاماتی یوق آق سرای و خان قلعه سی

ودیکر شکار قصرلری هپ شرح ایتدیگمز

اصولده حصارلی در

بوکره (محرم ۱۲۹۰) روسیه عسکرینه قارشو

خیوه قلعه سنه خارجدن استحکامات و خندق

یادیلر و ۶۰ طوپ دیزدیلر روسیه میرالایی

و نینقوف دیرکه خیوه اویله مستحکم که اوروپانک

منتظم عسکرله آلاتنه دخی خیلی مقاومت ایده بیلور

خیوه نك موظف عسکرلی (سرباز) بیک نفر

خاصه دن عبارت لکن اوزبکار و ترکمانلر

دائما سلاح قوللاندقلرندن محاربه ده حاضر

معلم عسکرلردر خیوه ده بوکون اوروپانک

یکی ایجاد قاره بنالریله مسلح اوچ بیک سواری وار

اوتهدنبرو شجاعت و بسالت و تجربه ایله معروف

اولان یکیتلر محاربه ده « سردار » نصب اولنوب

معینه ویریلان فرقه ایله مأمور اولدیغی محله کیدر

نه وقت روسیه ایله محاربه اولورایسه خیوه خانی

روسیه حدودنده کی قاره قاپاقلری قیرغیز لری
وترکه-انلری حرکته کتیرر بونلر هر طرفدن
روسیه حدودینی اوروب-یغما ایدرلر

فی ذی الحجه روس عسکرینک اترک اوزرنده
بعض ترکمانلرله محاربه سی جزئی شی در دهـا
ایلرولدکجه اکرخان مقاومتده ثبات ایدرسه
روسیه لی نک بیوک محاربه لره طتوشه جفی درکار
اکلاشیلور وبلکه بخارادن مظفرالدین دخی
قیام ایدر

فی محرم ۱۲۹۰ خیوه دن روسیه حدودنه
اوتوز بیک قدر آتلو قالدیغنه دائر حوادث وار
بو عدده این-انیلور چونکه الی سنه دنبرو خیوه
خانلری عجم اوزرینه یوریدکده اوتوز بیک
عسکر قالدیردیغی ثابت در قالدی که فوق العاده
محاربه لرده خیوه خانی سارترلی وقاره قاپاقلری
سلاحلندیرر

خیومه ده پیاده عسکری یوق در (۱)
بتون آسیانك روس پنجه سنه دوشمسی پیاده
عسکرلری بولمادیغندن در خیومه آتوسنه

(۱) اوروپا لسانلرنده پیاده یه انفتری دیرلر
بعض قوله کوره بولگه نك اصلی عربی دن محرف
انداس ده بر خلیفه نك محاربه ده اسیر دوشدیکی
خبری دارالملکه کلدکه خلیفه نك قیزی شهرده
بایراق آچوب دلالر چاغردوب اهلینك اوکنه
دوشه رك پیاده میدان محاربه یه کتمش غوغایی
قازانمش و باباسنی قورتارمش اندلس عربلری
بنت سلطانه علی الاطلاق فنت (بنت) دیرلردی
وقیز شو طریقه پیاده موجودی اولدیغندن
و پدری مقام تشکرده « عن فنتی » دیدیکندن
انفتری اوروپا لسانلرنده پیاده عسکرینه
اطلاق اولمش .

اوروپا آتلوری قارشو و طورده مازلر آورپا
 آتلری بول بول ییه جک ایله تنبلشیدیرلش
 و سواریلری صیقی البسه ایله و ثقیل سلاحلرله
 باغلانمش آغیرلشدیرلش اولدقلرندن خیوه نك
 یاوز آتلرینی و خفیف سواریسینی نه قوغاله سه
 طوته بیلور نه قاچسه قورتیلور

اگر آسیاده پیاده اصولی اولایدی اوروپانك
 سیوری بو طین کییمکه و شراب ایچمکه آلمش
 اولان اک متغلم پیاده سی آسیانك کوکسی
 باغری آچیق بالدیری جبلاق بهادرلرینه کوکس
 کره مزدی

خیوه ده طوبخانه فابریقه لری یاپان محمد رحیم ایدی
 فی ۱۲۳۵ استانبول دن جلب ایتدیکی طوپچی
 اوستاسی بوقابریقه بی اکمال ایتمش در

خیوه ده باروتخانه وارکیتلو باروت یاپیلوب
 داخلده صرف وادخار و خارجده تجارت اولنور

حقوق صحبت و انسانیت آرانسه افغانلیلرک
 روسیه یه قارشو خیره خانه امداد ایتلمی لازم کلور
 زیرا خیره خانلرینک افغان امراسنه خصوصاً
 شاه محمود ایتدکلی رعایت و اعانه اونودیلر حق
 ایشلردن دکل در نه چاره که کابل امیری
 علی شیرانکلیر سایه سنده تأسیس دولت ایتدیکندن
 آنک اشارتیلر حرکت ایدوب بشقه برشی یاپاماز

خاتمه

فرانسزلر فی ۱۲۷۷ سوره ده قتلک
 قرداشلرینه غدر اوله جقمش دیو آیاقلاندیلر
 و «پارتیر» نغمه سنی چالهرق بیروته عسکر
 چیقاردیلر

انکلیر فی ۱۲۸۵ برایکی نفر تبعه سنی حبش
 حبسندن قورتارمق ایچون عسکر سوق ایتدی

بروقت مسلمانلرده اويله يامشلردى

عم-وريه ده اسير دوش-وب « وامعتصما »
 ديو فغان ايدن بر مسلمانك فريادى بغداد دن
 ايشيدلدى و سكسان بيك سوارى آنى خلاص
 ايجون اناطولى يه كيردى

آل عثمان دخى قريم محاربه سنه دك هپ دين
 قرداشلرينك ناله سنى ايشيديردى حتى اويله بر
 محاربه نك غائله لى زماننده بيله قندهار و كابل
 قاريشق لغنه قوه حربه ايله مداخله ايلدى .

لكن اوزماندنبرو ايش دكشدى حايا
 جامعلرده و مدرسه لرده كتابلرني اوقيوب ايكي
 سوزلرني بلله مكله افتخار ايدمكلديكمز علماء
 و حكيمانك وطنلرى اولان ماوراي نهري روسيه لى
 استيلاء ايتدى استانبول روى تأسف بيله
 كوسترمدى

اشته آسيای وسطى ده يالكيز برخيوه خانلنى

قالمشیدی اکاده روسیه عسکر کوندردی بزم
 دینزدن و قومزدن و قاملیامزدن اولان ترك
 مسلمانلر عجیبا نه حالدهلر

کیمسه ایشتمک بيله استمیور
 بنم کبی عاجزك الندن نه کلور باری تاریخلری
 و بزمه کچن و موجود اولان علاقهلری اونودلماق
 ایچون بیله دیکمی یازدم بو یازدیغمدن فضله
 خیومنك باشنه نه کلورسه اوقویانلر بو کتابك
 آخرینه الحاق ایتسونلر

سماوی مرحومك اتری بوراده ختام بولیور

لاحقه

روسیه دولتی دلی پترونك زماندن بری
 خیوه نك استیلاسنه كال انهامك ایله چالیشوب
 اثرده ایضاح اولندیغی اوزره تواریخ مختلفه ده
 اردولر سوقندن کیرو طورمدی آنجق خیوه لیلر
 جری، جسور آدملر اولدیغندن مقصدینه
 اومدینی درجده قولایلقله نائل اوله مدی
 بوجسور آدملر روس عسکرینی برچوقی دفعه لر
 منهزم و پریشان ایتشلر و کلیتلی تلفاته
 اوغرا تمشلر در

روسیه بو هزیمتلردن نوید اولدی دلی
 پترونك وصیتنی یرینه کتیرمکه صرف مساعی
 ایتمکدن برآن قالمدی. نهایت روسیه نك ترکستان
 والی عمومیسى جنرال قوفمان فی ۱۸۷۳ خیوه
 اوزرینه اوچ جهتدن کلیتلی عسکرله یوریدی

خيوه ايلرك بو مقاومتسوز اردولره قارشى
 ابراز ايلدكلرى مقاومت مردانه جهانك نظر
 تقدير و حيرتى موجب اولمقله برابر مرقوم قوفمانى
 خيوه شهرينه و خيوه ايلرى روس حمايه سى آلتنه
 كيرمكدن منع ايدمه دى بناء عليه خيوه خانى
 فى ۲۵ اغستوس سنه ۱۸۷۳ ملك و ملتى ايچون
 غايت مضر بر معاهده نامه يى امضاده مضطر قالدى
 بو معاهده نامه حكمنجه خيوه حكومتى
 روسيه نك تحت حمايه سنه كيروب اليوم خانلر
 روسيه ايمپراطورنى ط-انيق و خانلنى داخلنده
 روسيه نك تجارتى سربست براقق مجبوريتنده درلر .
 تضمينات حربيه ناميله روسيه يه بورجلاندقلى
 ۲,۲۰۰,۰۰۰ روبله يه مقابل مملكت روسيه يه
 مرهوندر خانلر متجاوز حكومتلرله طوغرىدن
 طوغرى يه مناسباتده بولنه مازلر

خانلرك بوكونكى وظيفهسى اداره عموميه
 داخله يي تمشيتدن و مملكتك هيئت عموميه سنه
 نظارتدن عبارت قالوب روسيه حكومتى ايله
 مخبره سى ايسه ام دريا ولايتك اداره مامورى
 واسطه سيلاه اجرا اولنور كه بوده تركستان
 والى عموميسنك امرينه تابعدر مع مافيه خيوه ده
 روسيه نك ده بر مامور سياسيسى موجود در كه
 بو مامور بيوك بر نفوذ و اقتدارى حائر اولوب
 خانلغك امور داخله سنده قاريشير

خيوه ده خانلردن صكره اك نفوذلى آمرلر
 خالقضات يريني طوتان نقيب الاشراف ايله
 مهترديدكلرى داخله ناظريدر قاضيلر دين
 و مذهبه متعلق امورى تسويه ماموردرلر


آتق اليان معاهده نامه نارينخندنبرى روسيه
 حكومتى خيوه حدودنده بر طاقم استحكامات
 باديروب بوحوالیده قزاقلى اسكان ايتمكده در


(۱۳۸)

بواستحکاماتک اک مهمی خپوه قربنده وجيځون
نهرينک ساحل یمینده واقع «پترالکساندروفسق»
استحکامیدر

شوراسی شایان تشکر در که خپوه لیلر بو
مغلوبیت و محیت ایلر برابر حسیات دینیه و قومیه لرینه
خلل کتیر میوب الیوم مسلمانلق و ترک لک لرینی
محافظه ایده بیل مکه در لر بوايسه عالم اسلام ایچون
ینه بر لعه امید در

محمد فؤاد







3 1761 07139745 9

Su'āvi, Ali
Hīve

DK

888

S83